

遼寧建設月刊

第二期 卷二第



遼寧省政府建設廳印行

中華郵政特准掛號認為新聞紙類

中華民國二十二年四月

m/0

遼寧建設季刊簡章

第一條 本刊定名為遼寧建設季刊

第二條 本刊以普及建設思想促進建設事業供給建設計劃交換建設知識為宗旨

第三條 本刊內容分別如左

一 論著

二 法規

三 命令

四 公牘

五 報告

第四條 本刊由本廳第三科第二股編輯第四科第一股發行

第五條 編輯人員因搜集材料得向本廳各科股調取文卷

第六條 本刊每三個月出版一次以一四七十月各月一日為發行期

第七條 本刊簡章如有未盡事宜隨時修改之

遼寧省建設廳建設季刊第二卷第二期目錄

總理遺像遺囑

廳長像片

◎論著

凌治河道及河口之方法、(續)

品山

泉源與自流水、(續)

李吟秋

◎法規

遼寧省各縣城市管理建築暫行章程、

◎命令

▲訓令

訓令開原縣奉 省令呈擬查禁開原縣日人擅行汽車載客營業情形准予禁止行駛由

通化 訓令洮南縣據呈該縣電燈廠呈請註冊給照一案合行掣發註冊執照費正式收據令仰轉飭具
通遼

領報查由

西安

訓令西豐縣據王雲峯請辦龍太長途汽車行業經核准發照仰即照章監察保護由

東豐

訓令昌圖縣據盛仲庸呈請創設黃色汽車行等情查核與章相符應准發照仰即監察保護由

訓令台安縣台打長途汽車是否私擅營業仰再切實查明具復以憑核辦由

訓令義縣催轉飭編釘長途汽車號牌以便管理由

訓令瀋陽新民縣吳保中創設之瀋大汽車公司已註銷執照及原案分行知照并查禁開車由

訓令瀋陽遼中縣據鄧恩風呈報大車等毀坏專路請飭縣佈告查禁保護等情分行遵照由

訓令義縣令發測驗興修大凌河設計圖表仰查照籌劃報奪由

訓令本省五十八縣關於建設事宜應首先注意舉辦各端通行遵照由

▲指令

指令義縣呈報縣街馬路電燈業於二月二十三日恢復放光並歷經限辦情形請鑒核由

指令義縣具報縣垣西得電燈廠欠債并廠屋棧棧勸品焚燬無遺并當場督飭隊會改息各情形

抄同被焚各物清單請鑒核由

指令北鎮縣呈轉報溝北汽車購租土地修闢路線情形請備案由

指令法庫縣遵令查明鉄法兩縣之間並無添駛汽車之必要由

指令東豐縣遵令調查東發長途汽車行商保並補呈各項圖說照片祈鑒核由

指令北鎮縣查覆溝北汽車公司歷年修築路款情形由

指令開原縣遵令查明開豐汽車公司會議改組情形覆請鑒核由

指令安廣縣呈報汽車賠累暫行停辦請鑒核備案由

指令西安縣呈電燈公司懇請註冊展限三個月情形請示遵由

指令梨樹縣呈轉送擬具建設電話電燈計劃及概算書請鑒核示遵由

指令鉄嶺縣遵令查明鉄法線路旅客日多應予添駛汽車由

指令開原縣呈爲山台汽車借用公路擬每月徵收捐款由

指令開原縣呈報山台汽車行暫停開車請核示由

指令開原縣據情轉報山台汽車妨害路政捐收請嚴禁開車而維捐款各情形由

指令通遼縣遵令查明通達長途汽車公司早已停止營業由

指令台安縣呈查復管境並無長途汽車情形由

指令復縣呈東亞長途汽車公司營業賠累碍難進行銷執照由

指令撫順縣遵報第一商場已撥警隊戒備並將應行改善之處繪具草圖呈核由

指令海龍縣呈職屬山城鎮商辦裕華電燈股份有限公司虧賠不堪擬請破產由

◎公牘

▲呈文

呈 省政府遵令核議商埠局呈報二十年應辦各項工程情形復請鑒核由

呈 省政府遵令派員查勘兵工廠擬具修築明溝計劃一案各情形復請鑒核由

呈 省政府具報十九年十二月份及本年一二月份核准發照各長途汽車行請鑒核備案由

呈 省政府遵令查覆劉廣沛汽車公司已另案給照請予免議各情形報請鑒核由

呈 省政府擬請照章查禁開原縣日人擅行汽車載客營業情形據報轉呈鑒核示遵由

▲咨文

咨財政廳會核輯安縣師中兩校接修樓房校舍一案會稿業經判繕鈴印送請會印封發由

咨財政廳查核安廣縣呈復電話局歸併教養工廠情形及開辦計算書送請鑒核一案各情形

咨請核定主高緊銜令登由

咨財政廳准咨送查勘繞陽河柳河上游河道用費支付飭書除領用外相應復請查照由

咨農礦廳送還核議設立測候所案內會稿文件請會印封發並將原稿檢還一份由
咨民政廳核議土地法情形復希查照會呈由

▲公函

函遼河督辦公署據商人林從周等呈擬造鉄板輪船行駛於遼河內於航運上有無阻碍請查
明見復由

函遼寧郵務管理局已佈告各長途汽車公司對於交寄之郵件或包裹應遵照規則辦理不得
拒絕收運并妥爲保護請查照由

函遼寧郵務管理局遼陽至小北河間長途汽車並未經敝廳核准給照請查照由

▲批示

批林從周呈造送創辦營口遼河上游利達輪船公司各種書圖請鑒核由

批田樹林等呈爲妨害交通朦朧查覆請移轉查辦各情形由

批劉玉祥呈爲營業賠累繳還執照請註銷由

批趙明林呈爲法鉄兩縣之間旅客日增所有汽車不敷分配擬清添駛汽車一輛以便交通請
鑒核由

批聶連枝呈報開始營業情形造具各種表冊報請備案由

批吳保中請准撤銷經理楊潤滋並與省大濬大脫離關係由
批王香蘭呈准造送營業規則由

●告報

本廳十九年九至十二四個月份行政報告

測勘義縣大凌河報告

遼中縣河道測量報告

詹蕃勳
張殿珍

王華棠
詹蕃勳
李瀛


m/



遼寧省建設廳廳長劉鶴齡

論

纂



浚治河道及河口之方法（續）

品 山

（乙）密河河口攔門沙爲梗及其整理之法

東省濠河之水災。幾於無年無地無之。而尤以河口攔門沙爲梗爲最要。近數年來。因全河流域水災之較爲擴大。所携泥沙沉澱於河口者自多。故攔門沙之生長率亦最速。遂致河海相接處。水深不過數尺。大爲航行之阻。前濠河下游督辦史公。鑒於營口商業之不振。曾購買挖泥機一船。欲從事於河口之疏浚。但爲日不多。能否有效。尙未敢預知也。

密河中段整治之法。已詳上篇。其河口濬深之工。及剷除攔門沙之法。尤有研究之價值。蓋以若大河流。能以大力使之就範。而爲交通灌溉莫大之便利。先事之師。足爲吾人之考鏡者多矣。

一、歷史 密河流入墨西哥灣。因河口攔門沙之爲梗。幾使全河失航業上之利益。美政府既決議設法整理。其時條陳辦法者甚多。尤以意治(T. B. Eads)之築樁束流。借用水力以冲去攔門沙之計畫。與陸軍部工程師主張。另闢尾閘之議相爭最烈。且兩者根本見解。絕不相容。一則以水取勝。一則遷地爲良。致旁人無從調劑。當時一般輿論。僉目爲軍界工程師(Military Engineer)與地方工程師(Civil Engineer)之交鬩。政府因一時

之難於取舍也。不得已組織水利考察團。合兩種工程師於一爐。分赴歐洲。專考濬深河口之工。其考察結果。則多數贊成築樁束流法。惟阻礙之力。仍不稍減。意治既胸有成竹。且以若大之河流不能使其生利。徒作無補事實之爭辦。實爲工程界之大恥。故毅然以密河河口治理之工。引爲己責。乃一時橫遭陸部工師之沮難。並受地方輿論之攻擊。冷嘲熱罵。狀至不堪（意治本貧家子未受工程學理之教育。但富有工程之經驗。時反對者公舉某大學水利教員爲代表。以學理與之辯難。以其所長而輕其短。至今回視。頗覺滑稽。）遂憤然願犧牲一切。但求政府允以治理密河河口之全權。任其自由施工。於工程未完之前。無論何人。不得干涉。既成之後。必須河口有三十呎之水深。及七百呎寬之河面。經政府之驗收。然後按值結算。不圖厚利。苟工完而無成績。則所有一切之損失。盡由其個人負擔。蓋氏方建築第一橫過密河之鐵橋。頗有所蓄。故願以此爲學理之犧牲。其苦心孤詣如此。可謂工程界之模範矣。政府因坐收其利。絕無損失之可慮。因從而許之。惟指定南泓歸其試驗。以南泓最淺。泓外暗沙又最多。故也。

(甲) 施工前之情形 紐歐林司 (New Orleans) 爲

密河口之商埠。距墨西哥海灣 (Gulf of Mexico)

凡一百十五哩。水面之廣約半哩有奇。而深則十五

丈。由此而下至距河口十二哩之處。密河忽分而

爲三。適成爪字形。在東者曰東北泓。西南者曰

西南泓。南者曰南泓。東北與西南兩泓。水深爲

三十呎。南泓則最淺。僅十五呎而已。河口攔門沙橫亘三泓。惟高低略有不同。當平

均低水時。南泓計水深十三呎。其向海方面。則甚平易。大約每六十呎向外即深一呎

距河九里以外。即得六百呎之水深。此後愈遠愈深。平均此沙每年之發展在南泓爲

一百十呎。西南泓三百呎。東北泓約二百六十呎。密河最大洪水量。每秒鐘爲一百二

十一萬立方呎。最小爲二十五萬立方呎其含泥之量。當洪水時每秒約二千立方呎。

(乙) 攔門沙發生之原因 攔門沙之發生。與所含泥質。當然有密切之關係。其發生之

理。則不外水中含泥甚多。一至河口。河與洋面相接。面積忽大。流速銳減。挾泥之

力因之而小。遂致沉澱。此主因也。加以海洋有潮。潮本組織攔門沙之健將。當潮漲時

。幾盡減河流中本有之流速。使全都泥沙立時沉澱。積久成沙。愈久愈大。因以攔門



爲航運之梗。夫黑西河灣中。海潮大不甚大。平均漲潮之高。不過十四呎。且有赤道迴浪之力。可以利用。此實意治計劃成功之要點。

(丙) 攔門沙之影響於商務 密河流域爲七萬六千八百萬英畝約大二十四倍於世界稱雄之英國其農產之豐與鑛產之富實居全美之冠然無不恃密河爲惟一轉運之機關出赴世界市場之門戶一日寒於暗沙其影響所及當可想見一八五九年紐歐林司商會知因攔門沙所受之損失全年出口貨之值爲五百三十六萬金元進口貨約爲二百萬元此皆直接所受之損失間接者尙不預也。

(丁) 意治之計畫與陸部反對之理由 密河挾泥之多及暗河成立之理既如上述今欲於南泓維持三十呎之水深及七百呎之河面惟有以人力築樁而與口外之沙相接藉樁束流以增水勢復藉水性之動力(Momentum)使水自深直至於攔門沙外此意治計畫書中之要段也而當日陸部所持反對之理由如下

- 一、樁端伸入海中必易損毀
- 二、樁之根基在浮沙之上不能穩固
- 三、樁工完後攔門沙之發展必因以加速必至樁工之延長與攔門沙之發展兼程競進至無力維持全工失敗而後止


(戊) 工程之經過 樁皆以沿岸所產之柳枝爲之紮成方塊形長一百呎寬自二十呎至五十呎不等厚二呎以塊石沉之與吾國江蘇南通保坍會之樁工相似其間不同之點保坍會之樁爲荷蘭式專以塘柴爲之不雜他料密河所用者則凡樁上下交錯之柴龍不以柴紮而以四吋寬二吋厚之松板代之其較優之點如下

(一) 柴龍對徑約在七八吋以上均須長細樹枝紮成居樁工中柴料之十部若以松板代之則省費多矣


(二) 天雨之時松板可事先鋸就紮排之時即取而用之施工較便
其不便之點即河床若高低不平則木龍有斷折之虞非若柴龍之有伸縮故不可不審慎採用也
計在南泓之東岸向海築成之樁長凡二哩有半在西岸者凡四千呎遙遙相對以與攔門沙相接
(視斷面圖)三泓相分之處爲三泓水深相差之關鍵其工程最爲重要但亦最費思索蓋在此大河中欲以人力支配水量之多寡而欲如願以償豈易事耶當施工之初三泓分處河面之寬爲八千呎深三下呎流速每秒五呎今欲以此十分之一之水規入南泓借水力以沖刷河深以與攔門沙戰故在分水處築樁堤以道之相距凡八百呎然後漸漸束狹而嫌流行之不暢轉而迫入東西之兩泓反致南泓水量較原有爲減本欲益之適以損之工程之難預計如此其救濟之法即在東西兩泓河底沉截流之柴排一層每寬三四十呎長六十呎至七十呎厚各二呎排排相連不留寸

隙一若兩泓之口橫築一水底之堤以阻水流而迫入南泓雖云奏效然亦險矣


密西西比河南泓之工榷斷面圖 段內 (一)



段中 (二)



段外 (三)



三、結果 榷工於一八七五年開工次年春密河大漲南泓出口之處已被榷工束狹流速忽加水力徒增當水退之時河床實測之情狀見河外一帶極呈一種不規則之形狀東高西凹恍若甫經挖泥機之挖掘益信利用水力以冲此攔門沙之無往不利也至一八七九年完工之日共

計暗沙沖去之量約七百六十餘萬立方碼亦可驚矣

美政府收工時所測得之水深自樁工始點至樁工終點止計深四十五呎之水凡三千九百呎三十八呎之水深凡一萬另三百餘呎其餘則皆在三十三呎以上樁工之外遠至昔日之攔門沙一帶亦得水深凡三十一呎有八十年之隔其成績若是至今大小航輪仍視此泓爲密河唯一出入之門戶

四、十年所得之教訓 流入海洋之江河其河口往往爲攔門沙所阻梗塞航路發生水災固不僅密河爲然也密河既戰勝層層之困難而有今日之效果固可爲密河慶而推其經驗之所得實足爲世界各大川河之有同病者作殷鑒并可促水利界之進化下列五條爲治密河十年間所得之教訓其價值當可想見矣

一、利用水力以沖積沙

(甲) 暗沙未成之先當考察河流流量及漲潮潮量悉心研究按其流速而配置河之斷面務使其挾來之泥滓能順行無阻遠送海中不致發生沉澱爲航路之梗

(乙) 暗沙已成之後當採用自動濬深主叉河之小者固可藉機器之力而整理之其大者則決非機器所能奏效密河當日曾以挖泥機從事矣卒致隨挖隨淤雖積數年之久仍無成績可言漲水之後墊塞尤速此其失敗之往事實可爲後來者戒至所謂自動濬深主叉即築樁束流

利用其本有之水力以刷去其沉澱之泥滓川流不息以夜繼日但當維持東流之槿工即可聽其自生自滅亦即以毒攻毒之法也築槿材料皆用柳枝價廉易得又易施工其本身特長之點即此參差蒙蕙之樹枝沉埋水中既不易朽腐又可發生一種阻礙力使水中所挾泥沙逐漸沉澱以鞏槿基不使槿在浮泥之上而發生危險且又能撇開強溜迫之趨中借溜之力以刷深河牀以刷去暗沙其效用之著如此宜乎研究水利機關如密河河工局經多年之經驗而結果卒認定迫溜趨中之法爲整理河口工程中無上之策也

二、然則槿當如何規劃耶曰此極重要之事不可不注意用得其當則收其効否則實足爲累如加而弗司登 (Calvaston) 之商埠局亦採用此同樣之計劃以期增加水深乃主任工程者只知一槿字而不知槿之所以爲槿貿然從事卒至開工之始本有水深一丈二呎九吋得水仍不過一丈三呎而所費已在一百五十萬金元以上以此巨資僅購得吋許之水其不經濟也明矣却來司登 (Chenleston) 之商埠亦曰築槿東流其結果反使水深較原有者減少二呎苟無密河之成績足以昭示世界其有不唾此主義爲齊東野語者幾希茲述其規畫最要各點爲必須事前審察者如下

(甲) 料及河流歷來最大之共水量及大汛時最大之潮量

(乙) 槿頂必須高出於最高之水位(此水位爲河流與潮流相較後最高之水面)

(丙) 樁端向海處務須格外注意尤當高出於最高水面不能使水淹沒

(丁) 樁之目的在束流故兩岸樁之相距應若干呎務須悉心研究其標準以能於最短時間使漲退之潮進行無阻且無沉澱之可慮

加而弗司登商埠因建距離相去至二哩有半而潮水之高又不過十四吋故無沖刷力之可言宜其商埠計畫終歸失敗也

三、樁頂必須高出最高水面以實踐束流之目的且洪水漲時有大溜可以利用沖刷之力更較爲大若頂太低則汪洋一片仍失迫溜歸中自動浚深之用意

四、苟欲維持一定水深河牀即須有一定之斷面面積欲得此一定之斷面面積即應維持一定之流量皆顯而易見者若在大河中而欲利用水力而以刷清則當束狹河身增進流速其效斷非挖泥機所可匹敵

五、以塘柴或柳枝築樁之成效在密河三泓分流處最易顯見大概用於含泥之濁水中尤較有效此種物料所費極微沿海沙灘皆可種植以供工程之用無怪歐洲各國迄今仍歷用不衰(完)

泉源與自流水（續）

李吟秋

第五節中國北部之名泉

我國水利之學發明甚早古有溝洫畎澮以治田水澇則藉以渲洩旱則資以灌溉如秦之涇渠關西之鄭白渠范陽之亢渠河北之廣戾渠俱各溉田千百餘頃利澤一方是在吾國水利史上均足永垂不朽者也惟引渠灌溉悉賴江河其去江河遠者則苦無以挹注有之惟井與泉耳所謂『地下水』之利用是也

吾國西北亢旱東南多雨故言水利者在西北則重求水之法而在江南則重引水之方地理使然也考之西北各省水利鑿渠而外浚井次之引泉灌溉則又次之然在地理適宜之處引泉之利倍蓰於井故極有提倡之價值

考泉之所在近山爲多故吾國西北一帶泉源最溥（就天時地利言江南諸省無山無泉然均與水利無甚輕重故不俱論）或修治成泉林之勝或導引興灌溉之利厥用甚宏苟能廣事開鑿因勢而利導之其所以厚民生而消旱禔者豈云小補茲就西北諸名泉所在地依其山脈劃分泉源區域凡得六大區曰泰山區曰陰山區曰太行山區曰太岳山區曰終南山區曰祁連山區凡此諸區泉源均爲高阜之地而其地下水量則極富如能深源引水必能取之不盡而用之不竭也下述諸名泉皆在水利史上佔極重要之地位其外各區內之隱而未顯者尙不知幾何也夫地利之

厚如此乃歲苦旱魃至於饑饉頻仍室家離散老弱轉乎溝壑豈非人事有未盡哉

(甲)泰山區 此區括泰山梁父蒙陰嶧山諸系爲泗汶沂淄及小清河諸水之源區內多泉林之勝而引泉灌田之利則未顯茲誌其名泉如左

(1) 泰山中之水濂洞飛瀑岩護駕泉皆懸崖湧流傳爲名勝

(2) 長山縣西三十里有長白山其南百脈泉爲繡江之源元好問詩『長白山前繡江水展放荷花三十里看山水底山更佳一堆蒼烟收不起』

(3) 鄒縣東南二十五里鄒嶧山一名嶧山積石磷峒殆無土壤石間多孔穴洞建相通其寬敞有如數間屋者俗稱嶧孔多泉水東北風起則同時湧漲

(4) 運河源於汶水自南旺分流南北南流者沿河有四百二十泉以資挹注得未湮塞

(5) 濟南踞泰山山脈與冀魯平原接觸之處泰山山泉伏脈均至此湧出焉其著名者凡七十二泉而趵突泉爲其冠在城內外之西南隅三泉湧出大如車輪高出水面數寸蓋石底有磐石鑿三大圓孔泉自圓孔湧上故其狀如此次爲金線泉在趵突泉東之工業學校內由池底噴騰水泡不絕三爲珍珠泉在城內省府公署中水珠上沸不止形同珍珠黑虎泉在外城東南角外滾滾滔滔流勢汹涌故名黑虎西北流會趵突泉而繞內城一週與大明湖水相會於匯波門之西再北流分東西兩岐西爲灤水東爲小清河之源

北平懷來宣化而北迄於大青山脈南北延亘一千餘里爲太行恆山兩系之山跌兩嶺泉脈至此外出故隨處泉湧蔚爲巨觀蓋渤海水氣爲兩高嶺所障故東麓多雨而下流爲伏泉也此區地下水量既宏而鑿泉灌田之成績亦著如能廣爲提倡其利尙未有艾也

之是爲灤河桑乾諸水之源區內地曠人稀且多屬崇山峻嶺農墾未能發達晚近察綏兩省提倡水利導河而外漸重鑿泉成效甚著如能擴而充之於民生不無補益區內名泉有

(1) 平泉縣城街內有泉曰平泉冬日不凍縣因以名城邱陵連亘東北永安山爲境內高峯全境土脈極厚掘地數尺即可見水

(2) 承德居萬山之中爲熱河灤河兩水匯流之處其避暑山莊水座三十六曲池環陂山座三十六疊閣層石極園林之勝苑內左湖右山山勢自北而西迴抱環湖水自東北迤麗而南源出於西峪山湧翠岩之瀑泉分裏湖外湖有出水牖以時宣洩導入熱河

(3) 綏遠歸化城北臨大黑河之支流城外有溫泉二一在城南上堡外菜園中一在城東北烏蘇圖村龍王廟左皆熱氣蒸騰經冬不冰

(4) 包頭東關外有農林試驗場苦不得水乃緣陰山山麓鑿泉灌溉凡得六泉曰利農曰新月曰雪洞曰雲岩曰蘊壁曰湧珠

(丙) 太行山區 此區南起河南北部之沁陽修武經輝縣淇縣及河北之大名邢台轉過保定

(6) 長清縣東南九十里之靈岩山爲泰山支脈上有六泉曰黃龍甘露獨狐雙鶴卓錫石龜皆甘冽並以風景勝

(乙) 陰山區 此區包括熱察綏三省凡陰山支脈所經之地及大青霧靈七老圖諸山系皆與
(1) 輝縣城西北七里許爲蘇門山太行之支脈也一名蘇嶺嶺有百門泉一名珍珠泉亦曰
擲刀泉爲衛河之源中有三大泉廣數頃淵涵潑激藻荇交橫水光山色互相掩映極泉林之
奇觀稽公泉在百泉西北隅雍正四年總河稽公會筠相地開鑿流入百泉程公泉在稽公泉
西道光十一年巡撫程公祖洛開鑿與稽公泉合

又卓水村附近有白沙泉已淤塞經疏浚後下游村民得引水種田百三十餘頃其傍有萬泉
較白沙泉爲大而所淤愈深現已經挖浚水量大增

(2) 汲縣城北二十五里之王莊村於荒地內發現泉孔如盃其周圍爲葦地稻田皆有水浸
出水源甚豐民國十七年秋經大城梁建章氏大事挖浚開至四十餘畝水勢大增現行之灌
田約數百頃

(3) 淇縣境內隱泉最夥沿淇河南岸經梁氏查勘發掘者凡百餘其徑之大如盃如盃如斗
如盃水出滾滾以入於河又縣城南六七里亦多泉斷脛河上游之太和泉飲馬泉灌田均近
百頃

(4) 大名縣城東三里之黑龍潭故有泉水時出不竭康熙初知府俞品之於石潭上大書龍池二字

(5) 邢台縣踞太行斜坡西北多邱陵東南則低下多泉掘井甚易故諺云「順德府(邢台故名)裏一大景家家戶戶有一井」泉之著者爲城西北四里之達活泉及城東南十三里之百泉諸泉匯流成河不適航行却宜灌溉是以附城三十里內皆爲水田就中以達活泉爲最大其面積凡十餘里泉湧如珠清可見底

(6) 定縣居太行支脈下之平原中城北蘇泉村有黑龍泉自平地湧出東流注唐河泉附近

(7) 清苑縣城南門外護城河亦稱清苑河源出滿城縣一畝雞足二泉東注新唐河一畝泉在滿城縣東八里自地中湧出方約一畝雞足泉在清苑城西三十里臨滿城地界泉水噴出狀如雞足

(8) 北平西玉泉山脚靜明園內有玉泉凡七源在園內東北部者曰永玉曰寶珠在東部者曰靜影涵虛稍南曰堅固林在西部者曰裂帛湖中曰鈞突泉再西曰迸珠泉均隨地湧水浮泡不斷就中以鈞突泉爲最大靜涵迸珠次之裂帛湖壁峭極亦玉泉等面積巨小分量亦微又次之靜明園外高水湖爲玉泉山水一部份之儲蓄池由湖東北流分兩股一入頤和園昆

明湖東南流爲御河經高亮閣注入北平城內一北流傍圓明園行爲河凡所經過之處灌溉水田無算惟諸泉以年久失修逐漸淤淺須急施浚潔以暢其流也

(9) 昌平縣屬小湯山之南平壤中有泉分溫沸兩源東爲溫泉相距不及一丈而溫度迥異亦奇蹟也清康熙五年就泉源各砌白石積水池深廣均約丈許泉孔一在池南一在池北水清如淵浮泡纍纍如貫珠四時外溢引注分鑿石池以便沐浴能却皮膚疾

(10) 順義縣城東北二十五里有呼奴山山南爲東府西府兩村箭桿河發源之處也附近稻甚盛按順義係漢狐奴安樂縣境並屬漁陽郡漢張堪漁陽太守勸民耕種引呼奴山泉開稻田八千頃迄今民食其利

(11) 懷來縣城瀕滹河西岸附城數十里爲平原東門臥牛山北有湖曰東海周十餘里中多濫泉水色白相傳臥牛山七十二泉即此東南半里許山麓有硫磺泉水含硫磺故名縣境北有大青山脈南有太行山脈近山之地皆賴山泉灌田惟近山各堡最得泉之利益者莫如礬山(山產白綠礬)有阪泉水出兩岩間平地湧出傍有濫泉無數合而北流居民引以灌田此外水泉尙多如再西五里有張公泉大十數畝泉出甕即古涿水也城東北三十里之佛峪山中亦有溫泉浴之除疾

(12) 宣化縣之白廟堡有溫泉浴之可療瘡

(13) 陽原縣地勢南北高中部低桑乾河橫貫其中有東西二城相距六十里西城之西二十里有龍泉(溫泉)泉穴數十若湧珠經冬不冰東城之東十五里亦有溫泉噴流汹涌熱氣蒸騰因建男女浴室以療疾

(丁) 太岳山區 此區在山西南境沿太岳(即霍山)山脈西麓爲汾河湓地南起永濟經運城絳縣臨汾介休北迄太原近太行支脈之一部八百餘里名泉疊出水利甚溥

(1) 太原城東爲罕山去城約五十里太行支脈也城西南十里許有晉祠爲太原名勝其神母廟中泉發座下泉湧之處上覆以亭額曰『晉陽第一泉』蹇池圍之下開涵洞以洩於外其泉凡二曰善利曰難老分南北中三渠灌百千餘頃尾閘注於汾水

(2) 介休縣城東南二十五里之狐岐山中有鸞鸞泉分三道曰駕嶺水曰東河水曰西河水下游洪水磨溝等村皆就水設輪運磨凡百餘盤水力之發展甚著又引泉灌溉者亦三十餘村計溉田六百五十餘頃餘水注汾河

(3) 臨汾介太岳呂梁兩嶽之間四圍多山而中央坦平故舊名平陽縣西二十五里爲平山山麓顏子祠下自地湧泉廣約半畝是爲平水之源東流析爲十渠灌溉甚溥又縣西十里有嘉泉周六十五步縣東南二十五里瓦村有馮異月三畝六分古名梁泉縣東二十五里有黃蘆泉源出臥虎山麓俱收灌溉之利

(4) 絳縣西北二十五里有鼓山亦回鼓惟下出泉冬不結冰嚴寒可浴西南流至西北鄉之三泉鎮分爲二派(甲)派向南流至三林鎮注汾(乙)派向西南流至周流村注汾並長三十餘里灌溉之利爲全縣冠此外有丁村泉出於村北聖母廟繞村之北東南三面溉田數百頃南流至劉村與鼓乙派會又泉掌鎮關王廟前大泉分二支繞鎮之東南西三面有溝溝左一泉名大溝渠右一泉名水渠以外仍有數泉並可灌田

按鼓惟下有清濁二泉合流成溝隋正平令梁軌患縣井鹹滷生物瘠疲因鑿山引水經濠坎則續之以槽穿城牖入衙注池別分走街衙阡陌汨然鳴激溝渠分灌町畦訖入於汾河至明天順間知州張興行推水利於民而官衙之水遂涸

(5) 野狐泉在運城南門外西南五里許小山中草花雜樹景緻絕幽爲晉南勝地

(6) 永濟縣南十五里有五老峯峯下有黑虎泉又瀉泃泉在歷山中南流者爲瀉北流者爲泃東西相距二里合流入黃河堯典曰『釐降二女於瀉泃』即此蓋英皇下嫁虞舜處也

(戊) 終南山區 終南即秦嶺簡稱南山西起秦隴東盡藍田連綿八百餘里爲一極大之水源近山之地西自鳳翔經興平咸陽東北走華陰大荔等處隨地湧泉灌溉賴之

(1) 雍水出鳳翔縣城西北雍山之麓一名返眼泉自平地溢出繞城東而東流注渭鳳凰泉在城西北繞城西流南合塔寺河東流注渭東關外有謙泉水澄澈宜烹茶作豆腐居民汲取

者甚衆時汲時盈盈而不溢故名謙

(2) 興平縣南憑渭水北倚邠山(在城北一里係一土嶺)全境爲平原饒水利有三溫泉瀉水灌田爲天然之利藪 (一)馬跑泉在城東二十五里與咸陽交界處泉源汨汨灌田數十頃 (二)神泉在城西三十里之馬嵬驛水勢汹涌惟較馬跑泉灌漑力稍遜 (三)板橋泉在城西二十里之板橋源流涓涓又次於神泉

(3) 驪山秀蠹臨潼縣城門外本唐華清宮故址有溫泉即華清池現邑人修作公園園中有池溫泉注之浴池大者在園左甃石爲長方形廣約二丈長過半其上甃石爲圓洞外駕樓接底溫泉流階前瀦爲小池此外別引泉入室爲小浴池內外凡六所泉水不及昌平湯山溫泉之熱源亦不及其旺

(4) 太華山通稱華山在華陰縣南十里絕頂處有朝陽落雁蓮花玉女四峰總爲一大峯周十餘里外面壁立而內面傾斜蓮花峰之東北麓地勢最低雨時則四峰之水皆會於其處俗名玉井內有泉曰玉泉冬夏不竭玉泉之水由北崖瀉爲瀑布下注老柯坪之溝澗中過玉泉院行數十里入滑玉泉水甘而冽可供飲料及灌漑之用故其流域頗有稻田華陰城東十五里許有靈應泉踞華山東麓之北坡平地湧水成巨泊水北流入滑亦饒灌漑之利

(5) 大荔城在華陰之北地臨洛水城南八里有九龍泉九穴同流匯爲九龍池廣袤五頃宜

植荷後梁貞明中節度程全暉拓而宏之有三池八亭林泉之勝冠絕一時今其西南有紅善泉西爲荔村泉均小又西爲北莊泉差大宜稻

(己) 祁連山區 西倚祁連東踞六盤北憑合黎山脈山麓相距之間寬處二百里狹處僅十餘里夾峙若甬道其地勢南高而北低故祁六盤山麓之泉水雪水近者多供灌溉之用自酒泉張掖山丹武威以迄皋蘭一千五百餘里之間農產饒足民稱殷阜均賴泉雪灌溉之利也

(1) 酒泉縣城瀕沿瀨川踞祁山北麓水源極多有臨水黑水河出焉沿岸灌田樹木茂密沿瀨川一名潛水亦出祁連橫貫縣境東西一帶溉田萬頃多宜稻

古酒泉在東關外前爲清勵樓第二重門題古酒泉三字後院有泉即酒泉方八九尺四圍砌石水澄清泉眼半晌一發如珍珠數掬北面細流入湖有好隄蘆葦叢生

(2) 張掖縣全境地勢平坦城內外多小湖澤及葦池風景之佳爲甘涼一帶之冠甘泉在城南門內之東三十餘步(與城西南八十里之甘峻山下之甘泉同名)有河西第一泉之稱北流出城引以轉禮並以灌田

(3) 山丹縣南瀕弱水北擁長城以北山脈蜿蜒南境則爲平疇引泉水雪水以灌溉渠堰縱橫城東南一里有南草湖周九里有西草湖周七里中多蘆葦水泉並饒灌溉之利

(4) 武威縣境踞拔海六千尺之高地地勢平坦一望無際東北方面控帶長城祁連山脈綿

巨於南其巔終年積雪每當立夏以後天氣溫暖雪融水瀉農民資以灌溉然東北境多資以水灌溉田疇肥沃渠堰縱橫西南賴山水灌溉地味磽瘠

(5) 皋蘭縣南門外有五泉山傍龍尾古峰山麓五泉甘露掬月摩子曰蒙曰惠相傳漢霍去病曾屯兵於此苦不得水以鞭指山泉即湧出故亦名鞭撾泉疑爲霍氏所發現而教民利用者也泉自山半出自石罅淙淙錚錚數脈紆流今有五泉寺紀其勝下流灌園十餘頃山門橋下且有水磨二

綜計上列各區開發泉源之情形其範圍甚廣或施以建築而壯園林之景或引渠堰而溥灌溉之利足徵西北水利導河而外當以此最爲重要若能擴而充之則山之地不難化磽瘠爲沃壤也惟吾國科學尙未發達對於水利事業雖不無相當之記載而於各處地質地形以及地下水之狀況殊少統系之研究嗣後如能於此二點加以切實之考察則於開發水源振興水利當裨益非淺也(未完)

恣

規

不

不

遼寧省各縣城管理建築暫行章程

第一條 遼寧省各縣城關於建築事項與其他法律命令不相抵觸時悉依照本章程之規定辦理本章程所稱縣城係指縣政府所在地而言

第二條 各縣城新闢市街其街道寬度最小限應依左列規定

- 一、主要街道五丈
- 二、次要街道三丈
- 三、通行胡同二丈

各縣城展寬舊街道者應由縣政府依照前項各規定於街道中擇立固定標誌以爲退讓之標準

第三條 沿市街建築房屋牆垣者均須與市街中心線平行不得參差不齊

第四條 前條各項建築遇什字路或交叉路時須取切角或圓弧式以利交通

第五條 凡建築房屋者應於開工前將姓名年歲籍貫住址及開工竣工日期分別說明并備具左列文件呈請縣政府核准發給許可執照

- 一、建築地盤圖並註明四至尺寸街名及分所區域其已有門牌者及其號數
- 二、建築地之房地契其非自己所有時應聲明原業主姓名住址並應由原業主出具

同意文件

三、建築物之正面剖面側面圖樣及做法說明書其非樓房者僅正面圖即可

四、材料預算表

五、包工合同如非包工者可略

第六條

縣政府收到呈文後除有特別情形外應於十日內核明發給許可執照准予開工建築人於領到執照後非有特別情形呈經核准者至遲須於三個月內開工逾期不開工者取消其許可

第七條

建築許可執照由建設廳印製分發各縣備領每張由建築人納工本費現大洋二角由縣提留四分之一辦公餘數按月解廳並將用餘執照數目陳明

前項執照用三聯式一聯發給建築人一聯留縣存查一聯由縣隨同應解工本費繳廳

第八條

常年歲修者得免許可執照其翻修一部或全部者以新建房屋論

第九條

如未發許可私擅建築者除由縣政府勒令暫行停工違章補請許可外並處以五元以上百元以下之罰金

第十條

凡接連市街之房屋不得用板牆板垣以防火險

第十一條

凡臨街市房不得樹立影壁欄杆及其他足以妨礙交通之物

第十二條 各院牆內應開足以宣洩全院最大水量之洩水洞如設有暗水溝者其溝深寬各應在二尺以上

第十三條 井與廁所距離應在五丈以外舊式木井並應修築井棚或井蓋以重衛生

第十四條 建築取土及棄土除在不建築地外應在主管機關准許或私人同意地點範圍以內違者處以五元以上五十元以下之罰金但其情節較重者除罰金外得勒令填平或移去之

第十五條 各縣政府應於每月十日前將上月一切建築情形分別列表呈報建設廳備查

第十六條 第九條第十四條之罰金除由縣提留二成補助辦公外餘數呈解建設廳一半留廳辦公一半呈解省政府

第十七條 各縣政府於不抵觸本章程及其他法令之範圍內得就地方情形釐訂施行細則呈請建設廳核准後施行

第十八條 本章程如有未盡事宜得由建設廳隨時呈請省政府修改之

第十九條 本章程自省政府委員會議決公佈施行之

遼寧省建設廳為發給建築許可執照事案據

遼寧省建設廳為發給建築許可執照事案據
縣縣民於年 月 日在該縣
呈請在縣城街 胡同門牌第
號建築擬於 月 日開工於 月
日竣工經縣政府核明確無違章情事合發給許可
執照准予建築此證
右給 收執
中華民國 年 月 日

縣縣長
填發人

注意 此照由建築人納工本費現大洋兩角不得額外徵收倘有刁難勒索情事准
予告發

驗

繳

為繳驗事案據縣民於年 月
日呈請在縣城街 胡同門牌第
號建築擬於 月 日開工
於 月 日竣工經核明確無違章情事除發給許可執
照並存根備查外理合繳驗備查
縣縣長
填發人
中華民國 年 月 日

字第

號


根

存


為存根備查事案據縣民於年
月 日呈請在縣城街 胡同門牌
第 號建築擬於 月 日
開工於 月 日竣工業經核明確無違章情事除發
給許可執照並繳驗外合存根備查
中華民國 年 月 日
縣政府填發人

字第

號



命命



訓令第五〇號 三月二十四日

令開原縣政府

奉省令呈擬查禁開原縣日人擅行汽車載客營業情形准予禁止行駛由

爲令知事案查前據該縣呈爲日人汽車行駛石家台中國車站內妨害納捐人力車之營業等情業經據情轉呈並指令各在案茲奉

省政府指令亨字第一六八六號內開呈悉查此案現據開原縣逕報到府當以前據該縣李前縣長呈爲日商國際運輸會社擬在石家台開豐汽車站行駛運貨汽車可否照准請核示一案經以石家台市場並非通商口岸自無允許外僑營業汽車通駛之理飭即撤銷原議並禁阻有案茲復有日人營業汽車行駛該站顯屬違背前令仍應由該縣遵照前案迅即禁阻行駛等因指令并分行外交部特派員查照各在案仰即知照此令等因奉此合亟令仰該縣政府即便知照此令

遼寧建設廳廳長 彭濟羣

訓令第三四號 三月五日

通遼

令洮南縣政府
通化

據呈該縣電燈廠呈請註冊給照一案合行製發註冊執照費正式收據令仰轉飭具領報查

由

爲令遵事案查前據該縣呈送通遼電燈廠廠長記
通化電燈廠股份有限公司
各種書圖備具註冊印花各費請查核

轉呈註冊給照一案當經查核發給臨時許可證准予轉呈註冊給照在卷惟此項註冊執照展轉
呈核頒發尙需時日茲由本廳製定註冊執照費收據先行轉發該電燈廠收執一俟照頒發到廳
再行令知將收據呈繳換領執照以昭鄭重合行檢發收據一紙令仰轉飭具領報查此令

附發註冊執照費收據一紙

遼寧建設廳廳長 彭濟羣

訓令第一八九號 十二月十三日

據王雲峯請辦龍太長途汽車行業經核准發照仰即照章監察保護由

西安
東西豐縣政府
東豐

爲令遵事案據商民王雲峯呈請借用公路創辦龍太長途汽車行行駛於西豐西安東豐等縣境
內查該項章程均經聽發給設字第十九號丙種執照准許開業在案除彙報
省政府備案并分行外合行檢同路線圖一紙令發該縣仰即照章監察保護以利交通此令

附發路線圖一紙

遼寧建設廳廳長 彭濟羣

訓令第四九號 三月二十四日

令昌圖縣政府

據盛仲庸呈請創設黃色汽車行等情查核與章相符應准發照仰即監察保護由

爲令遵事案據盛仲庸呈請借用公路創設黃色長途汽車行行駛昌圖開原兩縣境內查核與章相符當經本廳填發設字第三十二號丙種執照准許開業在案除彙報

省政府備案并分行外合行抄同路線圖一張令發該縣即便遵照監察保護以維交通此令

計抄發路線圖一紙

遼寧建設廳廳長 彭濟羣

訓令第七五號 四月十八日

令台安縣政府

台打長途汽車是否私擅營業仰再切實查明具覆以憑核辦由

爲令遵事卷查前准遼寧郵務局函詢台打路長途汽車是否私擅營業希爲查復等因到廳當經令據該縣覆稱縣境內並無長途汽車正式營業等情並經指令在案茲復准郵務局函開案准貴

應第五九號復函略開黑山縣打虎山曾有長途汽車公司取名惠通途經台安北鎮係呈准許可非台打名義來函所指究何公司未經標明是否即係惠通抑另有無照汽車該台打長途汽車是否係屬私擅營業候令縣查報核辦等因當即令行台安郵局查明見復據呈復稱遵查台打長途汽車前後計有兩起公司既未成立名稱亦未確定惟前者擬稱台大長途汽車公司後者爲台安同仁旅館所賃用開行僅兩日又半未有名稱理合據實呈復鑒核等情據此相應函達貴廳請煩查照辦理是荷等因准此究係如何實情合亟令仰該縣長迅速遴派妥員切實查明具復以憑核辦此令

遼寧建設廳廳長 彭濟羣

訓令第一三四號 四月二十三日

令義縣政府

催轉飭編訂長途汽車號牌以便管理由

爲令遵事查近來各縣長途汽車日見增多若無一定標誌對於監察保護均有未便前由本廳製定標牌圖樣由各縣公安局用洋鐵切成長方形其長寬及字樣大小均如圖所示塗以藍色磁油前後兩牌除書明同一號數外並於前牌上端添注該汽車公司駐在縣名其填寫各字均用白色磁油以示清醒然後釘於木板之上分掛車輛前後並由該製發公安局每牌核收工本費現大洋

一元不得額外勒索曾經令發各縣遵辦具報在案茲查該縣核准給照義清長途汽車行所有汽車尚未編釘應照附單所列汽車數目及編定號數依式編釘以資識別合亟令仰該縣即便轉飭公安局迅速遵辦具報切勿延誤此令

附發圖樣二張 號數單一紙

遼寧建設廳廳長 劉鶴齡

訓令第一六四號 四月二十八日

令 金川 遼陽
懷德 雙山縣政府
黑山

催編釘汽車標牌具報由

爲令催事案查本廳前以各縣長途汽車日見增多爲便於管理監護起見曾經製定汽車標牌圖樣令發各縣依式編釘以易識別並一再嚴催具報各在案茲據各縣先後呈報到廳惟該縣迄未據覆似此玩忽殊有未合合亟令催該縣即便遵照前令各節尅日編釘呈報備查勿再延宕致干未便切切此令

遼寧建設廳廳長 劉鶴齡

訓令第四七號 三月十九日

令 瀋陽新民縣政府

吳保中創設之瀋大汽車公司已註銷執照及原案分行知照並查禁開車由

案照前據商民吳保中呈請借用公路創設瀋大長途汽車公司在省城至大民屯之間行駛查核與章相符當經本廳發給建字第五十六號乙種執照一紙准許開業並於十九年四月二十八日以第五十號訓令分飭各該縣照章監察保護在卷茲因該公司似有違章營業暨種種不合情事經查既無車輛又無營業處所而送達文件亦無人收受顯係荒閉歇業難免不無弊端業將原領存廳執照及呈請原案予以註銷並牌示該公司及原保知照不許營業去訖除分行外合令該縣政府即便知照並取銷保護倘該公司尚有私自開車情事併仰轉飭公安局隨時查禁具報爲要此令

遼寧建設廳廳長 彭濟羣

訓令第一八一號 十一月十九日

令 瀋陽中縣政府

據鄧恩風呈報大車等毀壞專路請飭縣佈告查禁保護等情分行遵照由

案據瀋遼長途汽車公司經理鄧恩風呈稱爲大車故意軋毀專路宵小乘間屢壞橋樑懇請轉飭

瀋遼兩縣佈告嚴禁長期保護等情到廳查妨害交通律有專條况係專路尤宜保護除批呈悉據稱情形如果屬實殊堪痛恨應准分令瀋遼兩縣政府轉飭該管警區切實保護隨時查緝究辦以儆効尤而利交通仰即知照此批等因印發並分行外合亟抄發原呈令仰該縣長即便遵照佈告嚴禁並分飭該管警區切實保護隨時查緝究辦以儆効尤而利交通是爲至要此令

附抄原呈一件

遼寧建設廳廳長 彭濟羣

訓令第六號 一月十三日

令義縣政府

令發測驗興修大凌河設計圖表仰查照籌劃報奪由

爲令行事案查前據該縣呈爲擬議興修本縣城區大凌河堤埝以衛民生請派員測驗設計等情一案當即委派本廳技士詹蕃勳張殿珍前往測驗去後茲據該員等勘測竣事宜具興修大凌河施工細則及圖表等呈復到廳查核所擬各節尙屬可行合行抄發原說明及細則結計表并圖令仰查照參酌妥爲籌備具報查核此令

附抄發說明一份施工細則一份估計表二份圖五紙

訓令 四月十一日

各縣政府

關於建設事宜應首先注意舉辦各端通行遵照由

查建設工作經緯萬端掌邦國之道路周代設有專官定建設之時期國府垂爲明訓洵以建設一事上關國計下繫民生自古已然於今爲烈本廳長就任伊始百端待舉事權既有專司職責應無旁貸此後本省關於建設事宜凡已經舉辦各項固宜循序漸進其尙未着手計畫諸大端亦應從速擬議而便實行第以茲事體大既不可操切圖功尤不易同時並舉僅就地方現狀亟應注意首先舉辦之事數項一商確之第一修築道路以利交通查修築道路爲便利交通發展各項事業之先鋒本省道路半多崎嶇修治平易不容稍緩本廳前曾分令調查並草擬全部計畫有案祇以需款浩繁尙未實施果有相當機會誓必促其實現各縣政府在此案未經實行以前對於鄉村市鎮道路應先設法籌修預造公路基礎以期全省公路一律完成第二修治河道以防水患查本省遼西各縣上年以霖雨爲災水患最烈田廬半多漂沒餓莩今尙載途若不及早治河築堤爲害更不知伊於胡底遼河業經着手勘測渾河及太子河曾亦計劃修治自應廣續急進期早觀成其他多山各縣水性湍激河身易淤匯歸無所一經山洪暴發巨浪橫流漂沒人畜尤所恆見各縣長尤應特別注意隨時督濬以奠民生第三整理農林發展市政查農林爲市政基礎農村即示整理市政尤難講求吾省農村仍沿傳統舊慣迄無相當之組織對於公共設備如衛生教育救濟諸大端

漫不講求非特農民共同生活之樂利無以實現而洪荒狃獠之積習猶未盡革亟應妥擬計劃督飭改進以樹新民之宏規而開市政之先河也本廳長才薄能鮮謬膺艱鉅萬端待理時懷冰淵建設之功固不可必而求治之誠尙未敢後人各縣長身任地方見聞較切尤願身體力行協商共濟有厚望焉

建設廳廳長 劉鶴齡

指令第一八三號 三月十七日

令義縣政府

呈爲具報職縣街路電燈業於二月二十三日恢復放光並歷經限辦情形報請鑒核由
呈悉查該縣電燈廠現既借用舊機暫將街路電燈實行放光自屬可行仰即轉飭迅將機器修理妥善所有機關用戶電燈一律放光以利電政而維公用爲要並仰隨時報奪此令

遼寧建設廳廳長 彭濟羣

指令第八〇七號 一月七日

令義縣政府

呈爲具報縣城西街電燈廠失慎將廠屋機械物品焚燬無遺并當場督飭隊會救息各情形抄同被焚機物清單請鑒核由

遼寧建設季刊 命令

呈件均悉查該縣電燈廠此次因走火失慎廠屋機械物品焚燬無遺并燒斃櫃夥一名損失甚鉅殊堪憫惜惟既據逕呈仍應候

省政府核示至該縣城內街路電燈極關重要究應如何賡續進行辦理之處仰即迅為籌義報奪此令件存

遼寧建設廳廳長 彭濟羣

指令第六九號 二月三日

令北鎮縣政府

呈為轉報溝北汽車購租土地修闢路線情形請備案由

呈悉據稱該縣已令溝北汽車行即日通車自屬可行應准備案惟溝北之間係屬公路該商如擬專利行駛應遵照重訂管理汽車章程第五章各條之規定妥為辦理經廳核准後方能專利所請禁止車輛通行一節遽難照准仰即轉飭知照為要此令

遼寧建設廳廳長 彭濟羣

指令第一三〇號 二月三日

令法庫縣政府

呈為遵命查明鉄法兩縣之間並無添駛汽車之必要由

呈悉卷查此案曾經飭據鐵嶺縣政府呈稱當經令行公安局認真查明據實呈報去復茲據該局長張祖蔭呈稱遵經令據該管第六七區分局先後覆稱遵查鉄法原有汽車往來開駛座客擁擠實有不敷分配爲便於旅客起見應予添駛各等情前來除指令外理合具文轉報鑒核備轉施行等情前來縣長復查屬實理合將鉄法綫路旅客日繁應予添駛汽車情形報請鑒核等情到廳茲據呈復各節核與鐵嶺縣政府所查情形互異似有不實不盡之處究係如何詳情仰即會同鐵嶺縣政府認真覆查據實呈報除指令鉄嶺縣外合令該縣即便遵照會查具報勿稍徇隱是爲至要切切此令

遼寧建設廳廳長 劉鶴齡

指令第九九號 二月十日

令東豐縣政府

呈爲遵令調查東發長途汽車行商保並補呈各項圖說照片仰祈鑒核由
呈件均悉查管理長途汽車章程第十五條規定汽車公司或行之資本於呈請立案時須提出商號或銀行確實存款憑證方合手續現在該商擬以股票代替資本憑證核與前章不符至該商所覓商保大順成究有資本若干未據聲明仰即轉飭該商另具資本憑證並查明大順成資本數目呈報來廳以憑核辦股票發還餘件暫存此令

附發還股票四紙

遼寧建設廳廳長 彭濟羣

指令第七五號 二月四日

令北鎮縣政府

呈爲查覆溝北汽車公司歷年修築路款情形由

呈覽附件均悉據查溝北汽車公司築路用款確係實在應予存查惟該公司所支費用及築路工程情形事前未經呈報又非自闢專路亦絕無不准其他公司行駛汽車並令其担任以前築路費款之理現在四合公司既係同路行車此後再有開支築路用款之處應由該公司向四合公司逕自接洽商辦酌量分担以照公允仰即轉飭知照此令附件存

遼寧建設廳廳長 彭濟羣

指令第六七九號

令開原縣政府

呈爲遵令查用開豐汽車公司會議改組情形覆請鑒核由

呈件均悉該公司常務董事既未照章票選究屬不合自應開會另選以符定章茲據趙寅緒等呈述該縣科長曹寅捏報查案並請轉飭該公司從速開會依法另選等情到廳查該公司人員以內

部糾紛互相攻訐似此任意爭執殊屬非是除批示外仰即轉飭該公司迅即召某會議依法另選各項職員以息紛爭而維業務並將科長曹寅捏報查案情形據實聲覆核奪附件存此令趙寅緒等副呈隨發並抄批示一件

附呈及抄批各一件

遼寧建設廳廳長 彭濟羣

指令第七十六號 四月十七日

令安廣縣政府

呈爲報汽車賠累暫行停辦請鑒核備案由

呈悉查該縣所辦長途汽車公司並未經由本廳核准給照乃竟擅自行車殊有未合本應照章重懲以維法紀姑念該公司由官督民辦係爲便利地方交通運輸軍隊給養與純以謀利爲目的者尙有不同特從寬免予罰辦惟該公司既已因賠停辦應將原案撤銷以資結束仰即遵照件存此令

遼寧建設廳廳長 劉鶴齡

指令第一五四號 三月九日

令西安縣政府

呈爲電燈公司懇請註冊展限三個月情形請示遵由

呈悉所稱該電燈公司改組設施尙未完善請緩期三個月再行遵章註冊等情自屬可行既據該縣查明尙屬實在姑予照准仍仰轉飭期滿即行遵章備具註冊許可證及印花各費呈請註冊領證以便開業此令

遼寧建設廳長 彭濟羣

指令第六八二號 十一月十四日

令梨樹縣政府

呈爲轉送擬具建設電話電燈計畫及概算書請鑒核示遵由

呈件均悉查轉呈電燈廠書類核與

建設委員會頒發之電氣事業註冊規則諸多不合茲檢發規則一份及表式三份仰即轉飭查照依式填明並遵照本廳前發民營電氣事業臨時許可證規則備具註冊印花各費呈候分別核轉給證以資營業至電話局註冊事項應否歸廳管轄尙未奉令決定所呈該局書類應候決定管轄後再行令遵此令 件暫存

附發註冊規則一份表式三份

遼寧建設廳長 彭濟羣

指令第一一九號 四月二十三日

令 鐵嶺縣政府

呈爲遵令查明鉄法線路旅客日多應予添駛汽車由

呈悉卷查此案曾經飭據法庫縣政府呈稱當即令行公安局會同農商兩會認真查明該商所稱各節是否實在有無添車之必要尅日具覆去後旋據公安局長鄭魁武呈稱遵即會同縣農會王會長縣商會梁會長詳細查核法鉄兩縣之間已有商民鄭宏毅呈准行駛汽車領有建字第五九號證書該行汽車共有四輛只因座客稀少每日早八時由鐵嶺開至法庫一輛當日午後一時由法開回鐵嶺而每次座客僅十餘人並不甚多因之暫停三輛仍視乘客之多寡加開車輛查該公司既請准額定汽車四輛而每日僅往返開駛汽車一輛足徵確因坐客稀少之故每日開行汽車一輛即能敷用由此可見鉄法兩縣之間每日乘客無幾况該公司既有停歇汽車三輛每日往來車行乘客均經飭警監視售票如果乘客擁擠自必隨時令其添開車輛按之現狀實無再行添駛汽車之必要理合將查明法鉄兩縣之間實無添駛汽車各情形具文呈請核轉等情據此縣長覆查無異理合將查明鉄法兩縣之間實無添駛汽車各情形具文呈覆仰祈鑒核等情到廳茲據呈覆各節核與法庫縣所查情形互異似有不實不盡之處究係如何詳情仰即會同法庫縣政府認真覆查據實呈報除指令法庫縣外合令該縣即便遵照會查具報勿稍徇隱是所切要此

令

指令開原縣第一六一號 四月二十八日

遼寧建設廳長 劉鶴齡

令開原縣政府

呈爲山台汽車借用公路擬每月徵收捐款由

呈悉查各長途汽車於核准開業時已經本廳繳收執照等費至八十餘元之多並每年繳款換照一次其常年担負已屬非輕若再接月納捐補助地方未免近於苛重所請每月收捐十元實難准行至本廳前令所云長途汽車亦無不准收捐之規定一語係指汽車載運糧石時仍得照收糧捐並非謂對於汽車亦得徵收捐款也所請殊屬誤會仰即轉飭知照此令

遼寧建設廳長 劉鶴齡

指令開原縣政府第六七號 二月三日

令開原縣政府

呈爲請山台汽車行暫停開請核示由

呈悉查齊辰陸在該縣借用公路設立山台長途汽車行業經本廳核准給照開業并分令該縣等照章監察保護在案自應准予行車以利交通惟該行汽車據稱撞傷大車車夫等情如果屬實殊

屬不合應即查明肇事情形依照汽車行車規則第八第二十四及第二十五各條之規定擬辦具報以憑懲處除批飭該行經理人魯振閣嗣後行車務須恪守行車規則注意行人車馬外仰即遵照此令

遼寧建設廳長 彭濟羣

指令開原縣政府第六十五號一月三十一日

令開原縣政府

呈為據請轉報山台汽車妨害路政捐收請嚴禁開車而維捐款各情形由
呈悉案查前據魯振閣齊辰陞等呈請借用公路行經開原縣孫家台至清原縣南山城子間路線創設山台長途汽車行等情一案查核與重訂管理長途汽車暫行章程第七條之規定尙屬相符曾經准予給照開業并飭該縣隨時監察保護去訖旋據該縣呈報因該行汽車撞傷車夫請示辦法到廳復經本廳指令照章處罰擬辦具報並諭飭該行嗣後應即謹慎行車妥為注意勿得肇生事端致干懲處等因各在卷自應准予行車以符前案況汽車借用公路載在定章斷無不許行駛之理如云妨害捐款收入而長途汽車亦無不准收捐之規定所請嚴禁開車等情與章不合礙難准行仰即轉飭知照此令

遼寧建設廳長 彭濟羣

指令第九九號四月二十一日

令通遼縣政府

呈爲遵令查明通達長途汽車公司早已停止營業由

呈悉查通達長途汽車公司經理馬香泉既未呈准歇業復不繳銷執照係屬違背管理長途汽車暫行章程第二十七條之規定除將該商原照撤銷外併依本章程第八十一條所載酌予從寬處罰現大洋一百元以儆效尤合亟抄發原保結令仰該縣長迅將原領執照及罰款一併追繳來廳勿延爲要切切此令

計抄發原保結一紙

遼寧建設廳長 劉鶴齡

指令第二一〇號四月十七日

令台安縣政府

呈爲查復管境並無長途汽車情形由

呈悉查賈榮九張恆亭二人由外借來汽車一輛雖僅試行二次並未正式營業然與管理汽車章程不屬違背該商等早已停駛暫予免究以示寬宥嗣後再有無照私車擅自行駛時應即照章查禁以維功令勿得徇隱致干未便仰即知照此令

遼寧建設廳長 劉鶴齡

指令第五二號一月二十六日

令復縣政府

呈爲東亞長途車汽公司營業賠累礙難進行繳銷執照由

呈照均悉查此案前據該縣呈報東亞長途汽車公司商保公和當以該公司現已出兌呈請撤銷保結等情到廳業經指令詳查在案茲據繳銷執照應仍由該縣將前案查覆再行核辦仰即知照并仰轉飭知照此令執照暫存

遼寧建設廳長 彭濟羣

指令第九八號四月二十一日

令撫順縣政府

呈爲遵報第一商場已撥警隊戒備並將應行改善之處繪具草圖呈核由

呈及草圖均悉據報該商場擬在樓東西兩廂下端各關向裏太平樓梯一座并將後台左右兩方原有及未設之太平樓梯亦分別修整以便出入而保安全等情尙屬可行但此項建築材料應採取鐵筋混凝土修造用期鞏固俾資改善至設置長警改由該管公安局撥充一節係爲戒備便於調遣起見亦無不合既據逕呈仍候

指令祇遵圖存此令

遼寧建設廳長 劉鶴齡

指令第一五二號三月七日

令海龍縣政府


呈為職屬山城鎮商辦裕華電燈股份有限公司虧賠不堪擬請破產由

呈悉查該公司歷年虧賠情形既經查明屬實擬請准予破產以便抵債等情自屬可行惟電燈事業甚關重要仍仰由該縣設法維持繼續辦理以重公益而維電政並將辦理情形隨時報查此令

遼寧建設廳長 彭濟羣

公

續



公牘

呈 政府爲遵令核議商埠局呈報二十年應辦各項工程情形復請鑒核由二月三日

呈爲遵令核議商埠局本年應辦工程事項情形報請鑒核事案奉

鈞府令開案查前據商埠局呈送民國二十年全年應辦工程項目一覽表請就表中列舉各項工程指定應辦項目以便辦理等情到府當以該局全年收入概數尙付闕如指令呈擬核奪去後嗣據造送前來經即一併提出第一七八次省委會報告決議就收入數目先儘首要工程辦理所擬工程計畫行建設廳核復等因紀錄在案餘指令遵照外合行照抄原送工程項目一覽表令仰該廳即便核議復奪此令照抄工程項目一覽表等因奉此遵查該局所呈工程項目原表列舉首要次要二種經職廳詳細考察其首要工程確係民國二十年應行舉辦之件似應准予及時興工以維埠務其餘次要各項倘因經費困難似不妨量予展緩藉紓財力至該局表列各項工程所有應支工料費款均係約計概算數目既無材料數量可資統計又乏做法說明足供參考是以對於用款之有無贏絀工料之是否核實似應飭令該局於動工前隨時專案報奪以昭慎重所擬是否有當理合將遵令核議情形備文呈報鑒核施行謹呈

遼寧省政府

遼寧建設廳長 彭濟羣

呈 省政府爲遵令派員查勘兵工廠擬具修築明溝計畫一案各情形復請鑒核施行由一

月三十日

呈爲遵令派員查勘兵工廠擬具修築順水溝計畫請核定辦理一案各情形覆請鑒核示遵事案查前奉

鈞府訓令派員實地查勘兵工廠擬具修築順水溝計畫關於攤款辦法并會同對於該工程有關係機關詳細核議具覆核辦等因當以職廳技術人員分赴各處勘測先行報請暫緩派員前往查勘在案嗣奉

指令亨字第一九九號內開呈悉此令等因奉此現職廳技士詹蕃勳公舉回廳遵即委派前往實地查勘並赴兵工廠接洽去後茲據勘明復稱查兵工廠大明溝排出之水均儲於韓家欄至蓮花寺一段窪地該處北有大堤西爲蓮花寺屯南面地勢較高東面爲流入孔道故只可儲水而不能洩水現此水塘約佔民地一百餘畝北面堤防土質沙性過重水勢浸透東鄰渾河一旦汎溢水性就下勢必匯歸於此輕則決堤重則淹沒田廬自應另闢明溝以資宣洩該廠所擬修築明溝計劃及各項用款尙無不合至各機關攤款辦法並據該廠意見擬請

省政府召集兵工廠航空司令部農墾廳官銀號市政公所等有關關係各機關會議解決以期早日修築附呈概圖十一份計畫書一份及圖一紙請鑒核等情前來查該廠修築明溝計畫及用款既

據該技士實地勘明尙無不合自屬可行至攤款辦法現因解凍在邇亟待修築並請准如該廠所擬由

鈞府秘書處召集該工程有關係各機關會議解決以資捷便而利進行所有遵令派員查勘兵工廠修築明溝計畫一案各情形是否有當理合呈繳原圖及計畫書連同抄呈並圖具文覆請鑒核施行謹呈

遼寧省政府

附呈繳圖十一紙 計畫書一份 抄呈一件圖一紙

遼寧省建設廳廳長 彭濟羣

呈 省政府具報十九年十二月份及本年一二月份核准發照各長途汽車行請鑒核備案
由三月二十一日

呈爲具報十九年十二月份及本年一二月份核准給照各汽車行仰祈

鑒核備案事查十九年十一月份核准給照各長途汽車行業經呈報在案茲查十九年十二月份據王雲峯呈請借用公路設立龍太長途汽車行程竣呈請借用公路設立遼康長途汽車行齊辰陞呈請借用公路設立山台汽車行王香蘭呈請借用公路設立義清長途汽車行本年一月份據張秀臣呈請借用公路設立瀋沈長途汽車行二月份據劉廣沛呈請借用公路設立東北長途汽

車公司等情前來均經職廳遵章審核妥協准予給照開車營業在案除分令該管縣政府照章監察保護外理合將核准各長途汽車公司或行之名稱等項繕列清單備文呈報
鑒核備案謹呈

遼寧省政府

附呈清單一紙

遼寧建設廳廳長 彭濟羣

呈 省政府遵令查覆劉廣沛汽車公司已另案給照請予免議各情報請鑒核由三月二十五日

呈爲東北長途汽車公司業經變更行車路線已另案發給執照准許營業據實呈覆
鑒核事案查前爲呈報查明劉潤勝等請控劉廣沛汽車公司行車擾民各節均屬實在情形并處
分辦法覆請核示一案茲奉

鈞府指令享字第一七四四號內開呈件均悉既據派員查明該東北長途汽車公司行車擾民損
害日甚各節均屬實在該廳所擬停止行車撤銷原案自無不合惟現據被告人劉廣沛呈稱由春
蟬解凍以後以至初冬結冰以前道途泥濘不平迄未開車在此青芒溝地之時正值停車示駛之
際謂爲毀害田苗殊爲無據等語前來究竟所稱是否屬實并應如何解決合檢同該民副呈隨令

附發仰再詳細查明具報以咨拆服此令計附發劉廣沛副呈一件等因奉此查該東北長途汽車公司於前案撤銷後即據劉廣沛呈請變更路線違章造具各項書類懇予另發執照等情到廳當經令縣查覆並審核各種手續均無不合業於本年二月二十六日發給丙種設字第三十一號長途汽車營業執照准許開業並列單彙報

鈞府查核各在案茲復奉令前因所有該公司以前查案現在既已結市似可毋庸再爲置議所擬是否有當理合將該公司業經變更路線另案給照情形據實呈覆

鑒核施行謹呈

遼寧省政府

遼寧建設廳廳長 劉鶴齡

呈 省政府擬請照章查禁開原縣日人擅行汽車載客營業情形據報轉呈鑒核示遵由

二月二十七日

呈爲據開原縣呈報日人於石家台車站行駛汽車載客營業等情擬請照章查禁仰乞
鑒核示遵事案據開原縣長佟玉墀呈稱案據財政局長高步雲呈稱案據職局石家台糧捐分卡主任荀乃榮報稱查本月份在職卡納捐人力車二百餘輛專在石家台車站接送旅客藉謀生計不圖近有日人營業汽車一輛往來行駛於石家台中國車站內接送旅客其影響納捐人力車之

營業匪淺如長此以往不加限制非於捐收損失且與國權民生兩有所關爲此報告局長轉請縣政府核示以便遵行等情前來查該日人之營業汽車直達石家台車站內接送旅客妨害納捐人力車之營業確屬實在情形如不予以限制則必得寸進寸得尺進尺將來通行中國地面尤屬意中事耳況一車載納多人營業盡被壟斷非爲營業車之生計立絕即思諸國權民生亦有絕大關係究應如何處理之處理合據情呈請鑒核施行等情據此查案關日人向鐵道用地以外行駛汽車應否准予通行及通行應否照章收捐無案可稽未敢擅便除指令暨逕呈外理合具文報請鑒核示遵施行等情據此查設立汽車營業無論長途或市內普通汽車均應呈請主管機關核准立案方得行駛現在該汽車未經呈准立案竟敢擅自開車載客營業顯係違章擬照章嚴禁行車以重功令而維國權惟案據逕呈所有擬請照章查禁日人行駛汽車載客營業各情是否有當未敢擅便除指令應候轉報核示再行飭遵等因印發外理合具文呈請鑒核指令施行謹呈

遼寧省政府

遼寧建設廳廳長 彭濟羣

函

函 遼河督辦公署據商人林從周等呈擬造鐵板輪船載運客貨於遼河內行駛於航運上

有無阻碍請查明見復由十一月十一日

逕啟者案查前據商人林從周等呈稱擬造鐵板輪船載運客貨於遼河內行駛計上游自巨流河起下游至營口止用便交通而挽利權等情到廳當經批令將輪船機械購造馬力吃水及全河情形設置碼頭水標電話等項補具書圖呈候核奪在案茲具該商等補具書圖前來經核該商等所請擬造鐵板輪船行駛於遼河上下游之間既便行旅復挽利權殊堪嘉許惟該船一旦行駛所有航綫經過及設置碼頭水標等項於航運上有無阻碍甚難查核相應繪同原航綫圖一紙函請貴署查照就近查明見復以憑核辦至緞公誼此致

遼河督辦公署

計函送航綫圖一紙

函 復郵務管理局已佈告各長途汽車公司或行對於交寄之郵件或包裹應遵照規則辦理不得拒絕收運并妥爲保護復請查照由三月二十四日

逕覆者接准

貴局第三二一七號公函內開爲據本郵區所屬莊河郵局呈稱莊復汽車公司自與郵局訂有郵運合同以來每次交付郵件均不願逕行簽收非稱車被某機關包去即言車壞或無乘客不能開駛但因種種原由時未開行事固有之強爭均係支吾拒收郵件及經質詢則爲臨時變更事出倉

卒未遑通知多方粉飾局長素悉此種情形已經切囑各差無須與之作無益之辯論祇於交給郵袋之先多方調查然後將郵袋強行交給藉以維持郵運而免意外衝突奈該公司形跡不無破壞郵運取消合同心理一計未遂更圖多方阻害竟將大孤山發青堆子接連誤帶來莊職局先後接青堆子第四九四號四九七號大孤山局第一五一一六號附早後曾經局長一再躬往該公司交涉連均拒而不見轉而餘差敦請亦并不至聲言事務繁多無暇前往貴局隨便可也等語二月二十五日早八時郵差穆兆瑞報稱莊復公司存有無牌信袋一袋并無排單又廢年前大孤山局發青堆子信一袋等語因之立令該差約同該執事人攜帶信袋來局當同來人驗明非但袋牌無着火漆印誌完全脫落僅結麻繩一匝詢其故則稱係由司機不慎乘客弄壞所致及驗內件尙符仍交來人收訖囑令速爲轉發勿再延誤并詢年前所存之袋則稱業於二十四日首次車帶往青堆子等語經局長而告郵件重要關係極鉅所有手續於訂今同時當貴經理一一說明郵局對於汽車公司并無故意爲難之事緣何竟不切實履行合同辦理該執事亦唯唯無言而去理合呈請鑒核施行等情據此查汽車載運郵件係經

交通部核定專章頒行郵政條例該莊復汽車既有種種故爲阻滯郵務殊屬違反合同條項亦係有違部章據報前情相應函請貴廳查照曉以郵件關係殊爲重要并從嚴諭誡務令嗣後不得延壓及任聽乘客踐踏郵件期保安速安全以重交通并希將辦理結果示復至緝公誼等因准此除

佈告各長途汽車公司或行對於

貴局交寄之郵件或包裹應遵照規則辦理不得拒絕收運並妥爲保護外相應函復希即

查照爲荷此致

遼寧郵務管理局

函 遼寧郵務管理局遼陽至小北河間長途汽車並未經廳核准給照覆請查照由三月九日

逕覆者接准

大函以遼陽至小北河間已有長途汽車往來行駛囑轉飭該汽車行按章帶運郵件等因到廳查
遼陽至小北河間往來行駛汽車確未經由敝廳核准給照惟該汽車行名稱及係何人創設未經
叙明無從核考除令遼陽縣就近查明具報核辦外相應函覆希即

查照爲荷此致

遼寧郵務管理局

咨

咨 財政廳會核輯安縣師中兩校接修樓房校舍一案會稿業經判繕鈐印送請會印封發

由一月二十八日

爲咨覆事案准

咨送會核輯安縣師中兩校接修樓房校舍一案會稿煩印封發并將原稿送還一份備案等因准此查此項繕正文件應送請

貴廳會印除將原稿分別書行繕正鈴印並留存一份歸檔外相應檢件備文咨覆查照會印分別封發並希見覆爲荷此咨

遼寧財政廳

計咨還會稿一份 呈文咨文各一件附封筒各一份

遼寧建設廳廳長 彭濟羣

咨 民政廳查核安廣縣呈復電話局歸併教養工廠情形及開辦計算書送請鑒核一案各情形咨請核定主稿掣銜令遵由三月十八日

爲咨會事案據安廣縣政府呈稱爲呈復事案查職縣前呈地方電話局因經費支絀擬請歸併教養工廠一案茲奉鈞廳訓令第一九零號內開案奉

省政府指令亨字第八四三二號內開據該縣爲職縣前創辦地方電話開工經過並完成日期及歸併情形請備案由內開呈悉并仰民建兩廳會核飭遵具報圖存此令抄由發等因奉此遵經本廳等查核該縣所辦電話甫經完成乃因經費支絀遽議歸併教養工廠兼辦似有未當但於歸併後能使消息靈通業務永久維持亦自可行惟關於該局開辦計畫及經費預算表冊未據呈報合

行會令飭將以前之開辦計劃收支詳細計算及經費支絀之實在詳情歸併後業務永久維持之計畫迅速呈報以憑核奪除呈覆外仰即遵照辦理此令等因奉此遵經令據該局長宋占榮覆稱遵查職局在開辦之初以建築宏大需料浩繁對於開辦計畫實屬無憑估擬遂經呈准實支實銷并將職局自民國十七年八月份起至十九年八月十五日止經費支付預算業經分別呈報在案惟此項經費當以安邑商業凋敝僅地方各機關及團體局所租用電機別無租戶故在開辦期間所有一切薪公各費除以租金及長途費兩項收入開支不敷外悉因開辦費項下列支以資挹注洎自工程完成統盤籌畫職局實無獨立之可能爰經呈奉核准歸併教養工廠兼辦仍用技師工頭經理話機綫路以期無阻消息自能靈通且節經費而維永久奉令前因理合具文呈報鑒核轉呈施行等情據此覆查該局所稱各節尙屬實在情形惟以電話收入寥寥無獨立可能是以設法歸併以維永久除指令並分呈民政廳外理合檢同開辦計算書備文呈請鑒核施行計呈送開辦收支計算書一本等情據此查核所呈開辦收支計算書尙屬詳盡既經開支似可准予核銷惟該局若歸併教養工廠其業務之永久維持計畫未據呈報仍有未合擬請會令該縣轉飭將歸併後之每年度收支概算及其他之維持計畫即日呈報以憑核奪是否可行相應咨請查核主稿並希挈銜令遵爲荷此咨

遼寧民政廳

咨 財政廳准咨送查勘繞陽河柳河上游河道用費支付飭書除領用外相應復請查照由

三月十四日

爲咨復事案准

貴廳咨第四六三號內開爲咨送事案奉

省政府訓令內開爲令行事案查勘驗白旗堡河道一案前據建設廳呈擬重行派員勘驗並擬具預算圖設到府當將此案提出省委會議報告僉以此次白旗堡水患係因繞陽河汎濫所致其柳河在新民區域者亦有汎濫情形仍須由廳將繞陽河柳河上游派員查勘明確再行實施測量並將整治計畫積極進行務於汎期前辦竣等因令飭遵照在案茲據該廳復稱遵經飭據前往查勘白旗堡河道技士詹蕃勳等稱查柳河上游自打通路之東大板地方以西遼熱分界起至白旗堡止其灣曲路線及各年汎濫河岔約長二百五十公里繞陽河自打通路泡子站至白旗堡止其灣曲路線及各年汎濫河岔約長一百八十里兩河共計四百二十公里約需一個月勘驗完竣理合擬具勘查預算請鑒核等情據此查該技士所稱尙屬實在應即派員前往該兩河上流實地查勘設計整治惟職廳現在經費拮据甚難先爲墊支所有勘查各費可否先爲令飭撥發以便派員前往勘查之處理合附同抄預算書一紙具文呈請鑒核示遵等情據此除指令外合行照抄原件令仰該廳即便遵照如數運撥具報此令附抄預算書一紙等因奉此查前項堪查用費預算大

洋七百元自應照撥以資進行除呈報外相應填送定價大洋支付飭書咨請查照事竣核實報銷並希見復是荷計咨送支付飭書一紙等因准此除照數領用暨俟事竣再為核實報銷外相應咨請

查照為荷此咨

遼寧財政廳

遼寧建設廳廳長 彭濟羣

咨 農鑛廳送還核議設立測候所案內會稿文件請會印封發並將原稿檢還一份由為咨覆事准

貴廳咨送核議設立測候所一案會稿徵求同意分別判存還等繕因查所具會稿敝廳極表贊同惟原稿二份均未鈐印恐係漏蓋除分別書行繕簽外相應檢附原稿及繕正文件封筒咨請查照會印封發並希將原稿擲還一份以憑歸檔為荷此咨

遼寧農鑛廳

計咨送會稿二份 繕正呈文一件附封筒一份

遼寧省建設廳廳長 彭濟羣

咨 民政廳核儀土地法情形復希查照會呈由四月十七日

遼寧建設季刊 公牘

爲咨覆事案查接管卷內前准

貴廳咨開爲奉令會核土地法煩就主管項下核明見覆以便會呈等因到廳彭前廳長未及辦理交卸查此項土地法規規定之內容與建設範圍有關者如第三編第二章之市地第四章之土地程序第五編之土地徵收等項詳加審核尙無若何窒碍相應咨覆

查照希即挈銜會呈爲荷此咨

遼寧民政廳

遼寧建設廳廳長 劉鶴齡

批

批第一二四號三月十九日

具呈人林從周

呈爲造送創辦營口遼河上游利達輪船公司各種書圖請鑒核由

呈件均悉查該商等所呈書圖計畫於遼河航運有無窒碍現經函准遼河督辦公署查復到廳經核該商等擬造之鉄板輪船吃水似爲略深機益馬力迥小能否於航線內暢行殊難臆斷惟事關航運且攬利權始准先行試辦兩平如能航行無阻著有成效即予註冊立案以昭獎勵茲抄發意見書一份仰即參照銳意改善務使所造輪船於最底水期亦能暢行無阻並能免除乘客及運輸

上之危險是爲至要至所有開業之詳密計畫書圖及所造鉄板輪船尺度圖式並應一併擬造呈候核奪此批件存

附意見書一份

遼寧建設廳廳長 彭濟羣

批第十七號四月二十一日

具呈人劉玉祥

呈爲營業賠累繳還執照請註銷由

呈暨執照均悉查該商以營業賠累已經歇業請求註銷執照等情自無不合除將該商原案撤銷並註銷呈繳執照外核仰海龍柳河通化縣政府查照此批執照銷存 呈抄發

附抄呈一紙

海龍
仰柳河縣政府
通化

遼寧建設廳廳長 劉鶴齡

批第四九號一月二十六日

具呈人遼北長途汽車行經理趙明林

呈爲法鐵兩縣之間旅客日增所有汽車不敷分配擬請添駛汽車一輛以便交通請核示由呈圖均悉據稱由法至鐵旅客日增所有汽車不敷分配擬添駛汽車一輛以便交通各節究竟是

仰法庫
鐵嶺縣政府

批第二號一月六日

具呈人聶連枝

呈一件爲呈報開始營業情形造具各種表冊報請備案由

呈件均悉查該商所送開到時刻及呈程價目表核尙可行應准備案其所呈營業規則大致亦尙妥協惟第九條應改爲地方軍警辦公得免費乘車但每次車不得過二人十二歲以下童子半票未滿六歲童子免票以資限制又第十一條應改爲遇有旅客包車時應按該車容量座數四分之三核收票價以照公允仰即遵照改正具報備查爲要此批附件存

遼寧建設廳廳長 彭濟羣

批第一一七號

具呈人吳保中

呈爲請准撤銷經理楊潤滋並省大瀋七脫離關係由

早悉查該商與楊潤滋合辦展修瀋大汽車專路一案業據楊潤滋聲請退出情願與該商脫離關係經本廳批准在案據呈各節尙屬實情應准備案惟該項汽車專路既由該商單獨續辦應將該汽車公司股東及股款各簿分別各另造一份呈廳備查又借用公路行駛汽車之瀋大汽車公司業經本廳將原案及執照分別註銷該商續辦專路應改定公司名稱以免混淆仰即遵照辦理具報併仰瀋陽新民兩縣政府查照此批呈抄發

附發抄呈一紙

仰
瀋陽
新民縣政府

遼寧建設廳廳長 彭濟羣

批王香蘭 第二十五號四月二十一日

具呈人王香蘭

呈爲遵造送營業規則由


呈及規則均悉查該商所送規則多有未合其第一條應既爲「本汽車行專營運輸旅客之業」第三條應致爲「本汽車行開車時間遵照呈報 建設廳備案之開到時刻表辦理但遇必要時得

變更之」第四條得按站次價目核退票價以下應改爲「若因汽車損壞不能前進時應另車接運退還票價全部」第五條經查明屬實時以下應改爲「得另予補票但得補給票底費現大洋二角第六條「一」應改爲「在半」二字「限」應改爲「以上之」三字第十二條等案之「案字」應改爲「情」字第十四條但以下應改爲每車至多以二人爲限並應添加第十六條文爲「本規則自呈請建設核准之日施行」方屬妥協仰即遵照致正繕清具報備查件存此令

遼寧建設廳廳長 劉鶴齡

報

音



遼寧省建設廳十九年九月份行政報告

(七) 建設

一 河工及航路

一、總綱 查本省河川向失修治致沿河各縣村民每當夏季水漲之時往往以防水堵填引起紛爭者層見疊出職廳爲除水患計對於河道治標治本各辦法無不竭力規畫組隊勘測以便濬治而安民生

二、進行情形 (甲)九月四日據臨江縣政府呈爲轉報農商各界公推代表陳龍鍵等晉省面稟修築江堤進行各事宜請鑒核一案當以所擬由山城子起至長白縣修築長途汽車路一節既利國防復便交通實爲當務之急該縣政府等熱心籌畫殊堪嘉許應候計畫確定籌有的款再行修築其餘各款既據逕呈應候遵

省令辦理仰即知照並仰轉飭該代表等一體知照指令在案(乙)前奉

省府批發新民遼中兩縣人民卜顯仰等呈控洪凌雲等違令反約掘溝改堤等情一案曾經派員勘明擬具修築堤填辦法呈准

省府並飭令該縣等妥擬興修計畫呈核在案嗣後據該縣等呈稱爲會報變通興修河堤各情形請鑒核等情當經派員往勘旋據該員查覆簽擬各項辦法呈復前來業經據情呈奉

省府指令以此案應以雙方利害不相抵觸爲標準現經該兩縣縣長往返會商意見相同應即照辦等情已於九月十一日分令該兩縣遵照辦理矣（丙）前據西豐縣政府呈爲擬請修城築堤以防水患並擬具籌款辦法等情當經指令並派職廳技正王華棠前往勘估設計復經呈奉

省府指令准如所擬辦理等因當即轉飭該縣遵照辦理具報在案嗣該縣於九月二十三日呈以修築城牆河堤工程所需工款以填築石堤及金價暴漲等原因致原估價格超過倍餘擬請派員勘驗等情前來當以呈稱各節究屬如何實情仰本廳技士詹蕃勳前往勘驗具復核奪等情分別令遵矣

三、結論 查修治河道堤壩與民生息息相關稍一計畫不周防堵不慎則災患立至是以職廳關於河工事項無不審慎從事以期一勞永逸不獨民生得安則水利從此可興矣
十九年十月份行政報告

（七）建設

一 公路

一、總綱 查興修公路爲訓政時期基本建設之一前經職廳擬具計畫提由
省委會現仍在審核中嗣又釐訂調查縣鄉道路辦法五條通令各縣爲將來進行修治之標

準

進行情形 (甲)十月二十日據本溪縣政府爲呈復查明全縣道路山嶺崎嶇不能行駛汽車一案當以本廳爲整頓路政通盤計畫並非僅限汽車道路該縣境內雖山嶺崎嶇道多險峻不能通行汽車而省縣道路詳細情形究竟如何仰乃遵照前令辦法逐條查明迅速繪圖具報以憑彙核辦理等因指令在案 (乙)二十三日據瞻太長途汽車公司經理杜雨田爲聲復租修專路情形並檢送工程概算書各件請鑒核一案當以該商所送各件殊爲簡略無從審核應再詳造呈核至所呈地畝清冊查與前瞻榆縣政府轉報者多吳公館一戶究係如何實情及其他地主有無糾葛仰瞻榆縣切實詳查具報以憑核辦保結暨準備金憑證俟概莫確定後再行派查等情批示遵照矣

三、結論 關於道路之調查 職廳曾令各縣詳細查明繪圖具報以便通盤計畫從事興修而謀交通之暢達

十九年十一月份行政報告

(七)

一 電氣事業

一、總綱 查本省電業尙在幼稚多以辦理不善或受外影響以致電政無有進展職廳對於

已設各電業曾經再三考查並分令各縣隨時倡導以期電業盡量發達

二、進行情形 (甲)十一月五日據清原縣政府呈為遵令查明惠子風等呈控電話局長假公濟私各情形請核示一案當以該縣電話局既係各區出資創辦規定每年結算該局竟延至七年之久迄未清算究竟盈虧甚難查核至支出之款是否覈實亦未詳細查明殊覺含混仍仰秉公詳查即日呈復以憑核奪各節令遵矣 (乙)前據梨樹縣政府呈為轉送擬具建設電話電燈詳細計劃及概算書請鑒核示遵一案當以該縣據呈電燈公司書圖諸多不合仰轉飭查照會頒註冊規則及廳發臨時許可證規則備具書表註冊各費呈核至電話局書類應候另令遵辦等因指令在案 (丙)十一月二十四日據安東市政籌備處呈為遵令補具安東市電燈廠組織章程暨辦事細則請鑒核一案當以所擬章程則是否妥協仰候咨會民政廳查核會令飭遵等因指令在案

三、結論 總之關於請辦電業者無論民營或官營職廳無不詳為審核俾有相當依據而使事業發展再民營電業如力有不足者能由官府加以資助則電業發展當可蒸蒸日上矣

十九年十二月份行政報告

(七) 建設

一 公路

一、總綱 查遼寧省區域廣闊山嶺重疊尤以東邊一帶嶺道崎嶇交通梗塞行旅往來均感不便是以修橋築路實爲當務之急前經職廳通盤籌畫提由省委會仍在審核中

二、進行情形 (甲)前據復通長途汽車行爲擬變更路線請鑒核一案當以有無變更必要及其他情節仰候復縣政府查明具復再奪批示在案 (乙)前奉

省府令核長白縣請修山城鎮至臨江暨長白至臨江兩汽車路線並附發測量局原測圖說等件飭即查照勘估設計具報等因當經擬具說明意見呈奉

省府指令所擬各項辦法尙無不合應准備案並仰速遵前令核定數目飭遵具報等因當於十二月二十四日分別電令長白通化兩縣查詢道路是否平坦所徑山嶺實長若干里與舊有縣道比較究係某線爲宜並兩路經過河川幾次仰分別查明詳述電覆在案 (丙)據東豐縣政府呈爲擬修縣屬沙河鎮至縣城一帶橋樑嶺道以利交通並附呈工料預算暨圖說等件到廳復奉

省府指令以該縣請修道路自係爲便利交通及發展省有鐵道營業起見惟所擬攤款辦法及工料價單兩項仰財政建設兩廳會同分別查核飭遵具報等因業於十二月二十五日以

此項橋樑嶺道有無急於修築之必要自應派員詳勘並考察該處商民經濟狀況能否担負

再行酌奪之處等情會呈請示遵行矣

三、結論 查修橋築路實爲民行切要之圖惟對各處地勢及其計劃均須詳慎考核然後舉辦則全省交通庶幾有豸

義縣大凌河河堤小史

義縣縣治設於大凌河南岸白錦朝鐵路告成遂爲遼熱兩省交通孔道農商各業日見發達土地日加開闢森林喬木日見短少雨水流量無地存儲平日無舟楫之設置商旅攝衣而渡值七八月之間雨則奔騰澎湃波浪排空逆之則摧當之則糜原以該河發源於熱省之凌源委蛇曲折千萬山叢谷中經數百里程徑納無數細流巨川以達義縣城西周家屯等處均循故道南北行經過四方台西之南岸突出山頭始出山谷入平原復折而東北行與北岸羣山於衝擊致將營盤龍王廟等村膏地冲毀復經土地之抵抗力龍王廟溝及頭溝兩溝之流向衝擊將該河流向既爲東南行與南岸之縣城西北角於衝擊將該城自西北角至北門一段全被冲作河身故有民國十五年費二十八萬元之省票修築石堤三百餘丈迎水石堤三道迄至民國十八年洪水發生石堤多被冲毀三道迎水堤僅餘木樁基礎十九年夏季復費二萬數千元將原有三道迎水石堤恢復舊觀並石牆之已毀未毀者分別補修乃本年水至非但三道迎水石堤蕩然無存且將護牆全段三分之一冲得片石不留河岸被其冲毀多至三十餘丈其爲患之烈及致此之由雖如上述蓋亦因坡度之陡峻(自千二百分之一至九百分之一)有以使然

往昔河堤之修築與其失敗之原因

據民國十五年之修治計畫迎水石堤週圍打二丈四尺木樁一排內外各有鉛絲網石以爲底脚

上磊白灰石塊其護牆底腳亦爲二丈四尺之木樁一排木樁內加鉛絲網石爲底腳上磊單層石塊爲護牆法極經濟根據已往之失敗原因多以底腳下之沙土被水陶空護牆下塌或以護牆後身之土被水濕透初則將牆向河中推壓待其遇有裂口濕透之土隨裂口瀉出致牆之後身空虛而洪水之力一加便成缺陷由此及彼遂成不可修飾之問

將來應如何修治方保妥固

根據前二節所述坡度徒峻與衝擊力大並據迎水石塊及護牆失敗之前因以作設計之標準對底腳護牆特別加意以期一勞永逸(尺碼詳設計圖)

設計圖中各部位功用之說明

第一種設計底腳寬爲十三呎厚爲五呎爲一、三、六之混凝土築成以担負護牆所受一切重力底腳中有木樁一排爲增加土壤之担負力底腳下之沙土雖稍被冲刷不致發生傾斜之虞補修尙屬較易一方又可作鉛絲網石之根據鉛絲網石與板樁之保護底腳沙土同一用途護牆後諭填主石塊京爲免淤日久沙土走瀉內部空虛一但失於防範即護牆受傷補修困難第二種設計用意與第一種於同惟板樁與網石相異

第一種設計工作日期

(一) 打樁工程用樁架四座五十天打竣 (二) 清底土方工程當與打樁工程同時竣工共二

個月 (三) 混凝土工程用四座拌合機三個月可竣工 (四) 填石填土網石等工程約計二個月全部工程全快亦須七個半月完竣以上係對於材料齊全而言

第二種設計工作日期

(一) 打樁工程用樁架四座九個月完工 (二) 護牆混凝土用四個拌合機四十天可竣 (三) 填石填土等工約計二個月全工程竣工日期至少須十二個月均以材料齊全爲斷 (完)

建築義縣大凌河河堤施工細則

第一章 總則

(一) 本細則與設計圖樣互相參證併爲承包合同之一部承包人(或由業主自造)均須切實遵守

(二) 本工程施工地點在遼寧義縣北門外大凌河南岸

(三) 堤之位置與水準均在圖樣中由包工人及業主會同勘定立樁爲記

(四) 全堤以石塊混凝土建造全長爲一七〇〇公尺計分三段上段自原有舊堤基起依直綫下行五百九十公尺中段爲半徑一千二百公尺向北凸出弧形長四二五公尺下段直綫長六七五公尺堤之兩端各另作長五公尺之翼堤向岸引伸與主堤成一百三十五度角復分下部爲底脚上部爲護牆

(五) 北門外至河邊一段原爲縣城與北岸交通要道應修寬七公尺三馬路一段

(六) 北門外橋頭處河堤及馬路均另有圖樣

(七) 河堤底脚靠河部分應打木樁一排中相距爲五英尺詳細尺寸部位參證第一第二兩設計圖

(八) 底脚在第一種設計爲一、二、六混凝土寬十三呎厚五呎第二種設計爲五呎五呎六呎之一、二、六混凝土塊鋪成寬十八呎各混凝土塊以一寸圓鐵貫穿連結之

(九) 第二種設計對於底脚工程除主樁外尙有板樁一排

(十) 護牆在第一種設計底脚寬六呎頂寬二呎坡度爲一、五比一

(十一) 凡堤頂底於河岸時應用石塊洋灰鋪砌以資保固

(十二) 本細則與圖樣遇有事件爲工程上所必需者須請監工員指示辦理之

(十三) 本工程所有一切詳細尺寸均依設計圖樣爲準對於各部施工須監工員之許可方准開始工作

第二章 材料

(一) 承包人須遵照本細則所規定之材料供給本工程工作

(二) 洋灰用照新馬牌洋灰

(三) 砂礫就河中粗砂洗淨取用

(四) 石子底脚所用石子不得大於四吋護牆所用石子不得大於二吋且均須洗淨鷺卵石碎石均可惟第一種設計石塊混凝土護牆所用石塊不得大於二呎

(五) 木樁在第一種設計所用木樁採中徑八寸長二丈四呎之杉木以無灣曲無破裂爲合格第二種設計以方一呎長二丈二呎之美國松之主樁及寬一呎厚四吋長二丈之美國松板樁

(六) 第二種設計所用鐵繫杆徑一吋長一丈九呎兩端以螺絲鐵填作成

(七) 第一種設計所用鉛絲係徑一分鉛絲

第三章 包工人責任

(一) 本工程所用材料須於施工以前將各項應用材料樣品送交河工委員會檢驗合格方准使用

(二) 材料運至工地時須與所送樣品符合凡由委員會檢驗不符之材料當即運出工地不得再行使用

(三) 所有木工程須用一切人工物料機械工具無論載明於本細則及圖樣與否均由承包人供給之但遇河工會原有器具承包人得商借使用如遇損壞時承包人得按市價賠償

- (四) 承包人對工地一切施工方法應派一極有經驗之工程司負責指揮工作
- (五) 凡施工期內遇不得已時須斷絕河路交通事先應通知縣政府委員會派警維持
- (六) 凡對本工程遇有阻碍不得依照原擬計畫進行須得縣政府及河工委員會之書面通知方為有效

第四章 土方工程

- (一) 底腳係就水底河床修造須分段按設計圖樣挖掘并將挖出之土堆積北面以作臨時阻水堤之用

- (二) 挖土工程至適宜深度應請監工員之檢驗與圖相符再作第二步工程

- (三) 填石工程於第一二兩種設計之護牆後應照圖樣填注大石塊惟石塊填注應與護牆之混凝土工程同時進行

- (四) 填土工程於填石工程進行後應由監工員或承包人審查工程便利作填土工程惟每填一呎用夯打實後方准再填第二呎

第五章 打樁工程

- (一) 木樁之長短根數打樁工程及位置均以設計圖為準不得差誤
- (二) 木樁上端須加鉄箍下端削成尖形遇必要時加以鐵錘

(三) 打樁時先將位置用小木槓按圖佈準然按照位置開打如打至中途發生編斜破損及其他不良之點當即拔換另打

(四) 承攬人對監工人未到時不得私行打樁但監工員不得遲到致取延誤工程之咎

(五) 木樁打至規定深度後應由監工員之指示將各樁頭一律鋸齊

第六章 鉛絲網石塊工程

(一) 凡木樁打齊後承攬應將底腳範圍泥沙挖清另將石塊鋪墊並將鉛絲之一端繫於樁頂及石塊打入混凝土底腳他端入河中將石塊網成十四呎長條臥鋪河床各條間互相連結

第七章 混凝土工程

(一) 凡洋灰運至工地須貯存於不受潮氣之廠册內倘經潮濕便須拋棄不得蒙混使用

(二) 粗砂就河灘中原有粗砂取用洗淨不雜泥土及有機質者

(三) 石子須堅硬不雜有機物及含土質者

(四) 洋灰沙子石子應用特製木斗於自然狀態之下量之量時須將頂面刮平不得有過量之弊此項木斗監工員應隨時較正之

(五) 木工程混凝土之配合均照設計圖樣所規定者修造之

(六) 本工程之混凝土用人工和製時其和製板須平整不漏水其混合物至少須拌二次至顏

色均勻然後加水再拌待石子所沾灰漿全體顏色一律時爲止

(七) 混凝土所用之水須清潔而無有機質者

(八) 水底修造混凝土底脚須使各段所存之水不得有劇烈流動然後將混凝土和水少許僅使洋灰不致離散再緩緩安置水底

(九) 混凝土拌合均勻後須用熟練工人將混凝土平層填注並不得由二呎以上之高度下落使各分子離散

(十) 混凝土拌合均勻後若呈凝結之狀態即棄去不得使用

(十一) 全堤係屬整個工程凡填注混凝土時應平層填注不得有直立之構造線

(十二) 凡混凝土工程中止工作時應用草蓋勿使露於猛烈之太陽光綫之下至下次繼續工作時應於舊混凝土浸濕加一比二灰漿一層方得繼續填注

(十三) 凡混凝土填注後七日之內均須隨時用水將表面浸濕每日不得少過四次

(十四) 冬季溫度在華氏三十五度以下時不得有混凝土工程工作

(十五) 護墻下部應留方三吋泄水洞中相距一丈

(十六) 泄洞之進口周圍應以石塊堆砌以阻泥土淤塞

(十七) 混凝土木殼或稱木模用二吋或三吋美國松外面用板條及支柱結連支撐穩固木殼

內面須光滑無痕並洒白灰漿一層

(十八) 木殼安置完竣應由監工員檢驗如部位呎吋不合或支撐不穩固等情承包人應即改
造

(十九) 木殼於混凝土工程全部完竣後至少須兩星期後方可卸除

第八章 河工會對於承包人之協助

(一) 承包人簽訂合同之後對於租用地皮堆存材料僱用大車運輸材料等事遇有困難事故發生足以延誤工程進行時得商由縣政府河工會協助消除之 (完)

義縣大凌河二堤工程工料估計

第一種設計

名稱	形狀	數量	單位	單價	總價
木樁	長二四尺 中徑八吋	一一一〇	根	六元	六六六〇元
鉛絲	一分	二八〇〇〇	磅	每百磅 一四元	三九二〇元
洋灰	馬牌	二五〇〇〇	桶	六元二	一五五〇〇元
石塊	二呎	七四〇〇	英方	九元	六六六〇〇元
碎石	二吋四吋	四六〇〇	英方	九元	四一四〇〇元

砂子	二四五〇	英方	四元	九八〇〇元
挖填土方	一七六八一	方	平均八毛	一四一四四元八
打樁工資	一一一〇	根	每根五元	五五五〇元
混凝土工資	七一〇〇	方	每方八元	五六八〇〇元
切凝土資	六四二	方	每方三元	一九二六元
鉛絲網石工資		丈	七元	三八八一元五
挖引河工資				四七八三一元

以上共計用款現大洋四十一萬三千五百一十三元三角

外加意外及特別工料運費百分之十計四萬一千三百五十一元三角三分

總計需款共現洋四十五萬四千八百六十四元六角三分

第二種設計工料估計

名稱	形狀	數量	單位	單價	總價
主樁	方一尺 長三丈二	一二〇	根	六一元四四	六七四九八元四
板樁	厚四吋寬十二吋 長二〇呎	五五四五	根	一二元八	七〇九七六元

木條	厚四吋寬八吋長一丈	五五六	根	四元四	二四四六元四
洋灰	馬牌	三三四〇〇	桶	六元二	二〇〇八八元
石料		九四五〇	方	九元	八五〇五〇元
砂子		三〇〇〇	方	四元	一二〇〇〇元
挖填土方		一八五一五	方	八毛	一四八一二元
打樁工資		一一一〇	根	七元	七七七〇元
打板樁工資		五五四五	根	五元	二七七二五元
混凝土工資		七六〇〇	方	八元	六〇八〇〇元
填石工資		三三八三	方	三元	一〇一四九元
挖引河資					四七八三一元

以上共計用款現大洋六十萬零七千九百三十七元八角

外加意外及特別工料運費百分之十計六萬零七百九十三元角八分

總計需款共現大洋六十六萬八千七百三十一元五角八分

遼寧省建設季刊 報告

遼中縣河道測量報告(續)

王華棠 詹蕃勳 李瀛

(五) 整治計畫

(甲) 各河堤埝之修補 遼河堤防在新民縣境自巨流河至黑魚溝一段多年未修決潰多處河水由興隆店馬三家子間沿北寧鐵路側旁水溝流入蒲河若該段堤埝修妥不但蒲河流量得以減少而興隆店馬三家子一帶水災亦可免矣據鄉民所稱瀋陽縣境潘建台張家埝地方渾河西岸五十丈並無堤埝設此言果確則宜及早修築藉免蒲河受水過多之患至於種稻問題可設閘門以解決之

民國十八年大水渾細太蒲四河均有決口在根本整治全部計畫未施行以前即當先行修補已有之決口以前救目前之急此種辦法看來似不澈底惟應事實之需要不得不如是也

(乙) 前當堡之築堤及馬家套之挖河 新民遼中交界處前當堡馬家套趙家套三村間有大水泡洪水時期附近一帶雨水合匯於此再馬家套村東注入蒲河惟該地蒲葦橫亘泡水蓄積宣洩不易以致水位增高上下游均蒙其害其救濟之法應將前當堡之舊有堤埝增高並沿高地邊延長至後當堡地方約一千公尺以防其洪水之外溢比外更於馬家套村東挖掘長二公里均深一公尺之河溝導水泡之水使入蒲河正流以上兩項工程計畫需土約一七〇〇〇公方合現洋約一〇五〇〇元

(丙) 南口門之移河廢堤 小潘家崗子以北土名南口門地方蒲河河身原沿南堤西南行嗣有該地居民潘子揚另於北岸築一新堤使其兩端仍與南岸舊堤相連將兩堤間一片低地闢成稻田蒲河身遂北移新堤以外而新堤與北堤距離乃不及二百公尺新河牀較舊者亦竟高一公尺故影響上游甚大于家台等七村及遼中新民兩縣交界處居民連年涉訟直接間接均係爲此爲今之計遼中縣府宜將該處稻田收歸官有取消新堤使蒲河仍歸故道庶幾河水暢流連年糾紛可以平息(按此項問題除以上辦法外若僅將新河身疏濬挖深亦未嘗不可以解決但所費當較前者爲多殊非經濟之道且潘子揚移河之舉顯爲情理所不容正可於此時嚴加矯正以警儆尤一舉兩得之法莫善於此也)

(丁) 遼中縣東門外之裁灣取直 爲使蒲河暢流及免除縣治水患起見縣城東門外之大灣曲實有裁直之必要其東門外之最初舊河身可用以宣洩雨水郭家臺以北併入正流而蒲河東岸村屯亦不因此計畫而受害計擬挖直河長約一千四百公尺河身均寬十八公尺兩岸堤與距離不得小於二百公尺堤內及河身共佔地約四百五十畝全部土方工程約五〇〇〇〇公方需洋三萬元

(戊) 化家村蒲河沿楊家村諸處堤填之展移 蒲河下游此數處堤填距離太近殊宜向外擴展如圖所示但諸處均村屯所在居民廬舍逼近堤填而堤身復特別高厚堤坡樹木培植亦極

茂密若擬大事更改恐非易事也

(己) 渾河太子河間橫堤之廢除 遼中第三區渾河太子河間有橫堤東起腰截子西至嚮水口子高丈餘長約十五華里阻水南流爲害絕巨無論如何斷不容其存在但若一旦完全拆除恐亦大非易事查民國十八年大水已決潰多處縣政府即飭堤南居民不許再事堵修可耳

(庚) 水文測量之設施 水文測量爲一切整治河道計畫之根本其目的在得水量之多寡及河流之性狀其範圍可大別之爲記載雨量及實測流量而水位漲落之觀測則尤爲重要凡此皆須選定適宜地點審慎從事始克有完善之成績茲宜於遼中縣城內設雨量站記載雨量於索家大橋設流量站及水標站以便實測蒲渾兩河之流量及記載其水位之漲落如此積之經年則將來成績其價值必有不可勝言者矣

(六) 結論 此次測量遼中河道工作僅限蒲河一部分而蒲河治理之先決條件則係治導渾河問題雖非目下所可解決然而關鍵所在不可不知也 關於渾河性狀吾人所知極少殊敢作若何之斷語但據土人言自索家大橋以下舊堤距河身極遠當年河水暢流爲患絕少自有逼近河岸之新堤及渾太兩河間橫堤以來遂即屢有大災其原因蓋以兩河沿岸居民爭佔河灘淤地各將堤堤向河身推移致距離漸近當洪水暴發時不能容納目必決口橫流而渾太兩河間居民以上游水發則築橫堤以阻之下游人民復羣相

做尤遂致積重難返患無已時故欲爲根本治理之計非取消所有一切橫堤不可至於精確之地形及水文測量自係治河之基本條件其爲重要更不待言矣

本廳此次測量適值隆冬歷時又僅兩星期全縣地勢既所不詳而蒲河坡度流量流速沉澱堤埝等與他河之互相關係亦不克作精確之比較故對所得成績殊不敢有過奢之望惟所擬整治計畫中各項尙不至與通盤計畫有何矛盾之點十可及早舉辦以收實效也

附遼中河道形勢及民國十八年災區域圖一張蒲河地形圖七張前當堡築堤馬家套挖河計畫圖一張 縣城東裁灣取直圖一張 渾太兩河間橫堤形勢圖一張 (完)

遼寧省建設廳季刊投稿規則

第一條 本刊投稿範圍以論著雜俎二欄爲

限

第二條

前條規定之二欄無論廳內外人員均可投稿

第三條

論著欄內錄取之稿如特別有價值者仍由本廳酌給酌資

第四條

論著稿件投稿時均應將署名及通信地點註明

第五條

凡投稿無請錄取與否原稿概不發還

前項規定如有特別聲明不在此限

但須附帶郵票

第六條

凡投稿均交本廳季刊編輯股

第七條

本規則如有未盡事宜隨時修改之

本季刊價目表

每季	一冊	半年	二冊	全年	四冊
五	角	一	元	二	元
統按現洋計算外埠每冊加郵費三分本季刊 與他項刊物互相換閱者概不收費郵票代費 九折					

編輯者 遼寧建設廳

發行者 遼寧建設廳

印刷者 遼寧正文齋

國民政府內政部頒發
行政人員修養之標準

- 一 精神要革命化
- 二 思想要系統化
- 三 行動要紀律化
- 四 工作要勞動化
- 五 生活要平民化
- 六 興趣要藝術化